



Wantok



Namba 1863 Wan Wik Epril 29 - Me 5, 2010

Niuspepa Bilong Yumi Ol PNG Stret! K1 tasol

Noken abrusim **Olgeta Wik!**

Sabina's Corner

Tok pisin - Pes 9 Tok English - Pes 10

Bogenvil

Saplimen insait!

Winim ol Tiket long go long Soka Wol Kap Fainol!

TUPELA TIKET LONG LUKIM FAINOL GEM

1000 US DOLA MANI LONG YUSIM

BALUS TIKET OL TRANSFER NA PLUS LONG SLIP

Teksim "Soccer" igo long 7878 long go insait long dro bilong Winim tupela Tiket long go lukim Soka Wol Kap Fainol. WANTAIM K1,000 long winim olgeta wik i go inap long Gren Prais Dro.

1 Kina long wampela SMS, Tupela pakej long winim

Digicel

Long kisim moa infomesin ringim Kastoma Kea long mi 125 long Digicel fon bilong yu. Terra na Kondisen bai stap

Palamen noken vot hariap long kamapim senis: Parkop

Paul Zuvani i raitim

SAMPELA ol Memba bilong Palamen i tok ol bai no inap vot hariap long ol tok long ol senis i kamap long wok bilong Ombudsmen Komisen.

Gavana bilong Nesenel Kapital Distrik Powes Parkop, Memba bilong Mosbi Not Wes na Lida bilong Oposisen Se Mekere Morauta, na Memba bilong Rabaul na Minista bosim wok Atoni Jeneral, Dokta Allan Marat i tok ol i no inap vot inap long taim komiti i kisim tingting bilong pablik pastaim.

Dispela senis i tok long wok Komisen i givim tok orait pastaim bipo long ol Memba na ol bikpela opisa bilong Gavman i yusim ol ilektoret mani long ol projek ol i makim long ol ilekoret.

Mista Parkop i tok long bihainim lo Komiti i mas wet inap long tripela (3) mun long kisim tingting bilong pablik na bihain askim Palamen long vot long mekim senis long Mama Lo.

Na long go pas long dispela Parkop long tude bai holim wampela bung long Palamen we em i askim Memba bilong Esa'ala na siaman bilong komiti husat i laik mekim senis long lo Moses Maladina na Sivel Sosaiti long ol i kamap na autim tingting bilong ol.

Long sivel sosaiti em grup bilong Yunivesiti bilong Papua Niugini (UPNG) na Transperensi Intanesenel loing kamap.

Tasol husat pablik grup i laik kamap na autim tingting bilong ol i



ken ringim dispela ol telepon namba em 327 7617 o 323 3251.

"Mi bai vot bihainim ol tingting bilong pablik.

"Mi askim Palamen long ol i mas surukim taim taim i go long narapela Palamen Kibung na i no long mun Me kibung," Parkop i tok.

Dokta Marat i tok em wantaim Memba bilong Gazelle Malakai Tabar i sindaun na skelim ol lo na i tok ol bai givim tingting bilong ol long Palamen Kokus taim ol i bung.

"Mi mekim tingting pinis long wanem samting mi bai tokim Palamen," Dokta Marat i tok.

Tingting bilong Se Mekere i wankain long tingting bilong tupela

WET PASTAIM! NCD Gavana, Powes Parkop. Kisim tingting bilong pablik pastaim bipo mipela i vot.

... lukim moa stori insait.

Memba.

Em i tok sampela senis i gutpela tasol sampela i no gutpela.

"We i no gutpela mipela bai i no inap long vot tasol we i gutpela mipela bai vot," Se Mekere i tok.

Palamen i mekim tupela Riding pinis na i wetim tasol namba tri riding long save sapos senis i mas kamap o nogat.

Sapos em i kamap wantaim 73 Absolut Meajoriti vot orait senis bai kamap.

Long ol nius i kamap long wik i go pinis na dispela wik i tok olsem Mista Maladina i laikim ol senis i kamap tasol pablik wantaim ol Non-Gavman Oganaisesen (NGO) na

Ombudsmen Komisen i tok nogat.

Dispela ol senis Maladina wantaim komiti bilong en i tok i stap long Seksen 16, 27 na 28 long Duti na Responsibiliti bilong Ombudsmen Komisen.

Maladina long taim em i tokaut long Bil i tok long sensim tok i stap long Seksen 27 Sabseksen 3 na 5 na nupela Seksen em 219A we i tok long kamap bilong Pemenen Ombudsmen Komiti.

Long Seksen 28 bilong Mama Lo we i tok long wok bilong strongim Neturel Jastis dispela i tok long Ombudsmen i mas givim tok orait bilong yusim pablik mani.

Long dispela Maladina i tok Komisen bai hatwok long mekim wok tupela taim. Namba wan em long yus bilong pablik mani sapos em i skelim samting lidaman i laik yusim i tru na i gutpela na bihain mekim wok painim sapos em i ting lidaman i asua long yusim pablik mani.

Hap bilong Seksen 28 we i tok long Memba i mas kisim tok orait long Komisen pastaim long em i yusim pablik mani i mas no ken stap.

Dispela i lusim taim Memba long mekim wok.

Nau yet Komisen yet wantaim ol arapela grup olsem Transperensi Intanesenel (PNG) na sivil sosaiti i tok nogat long dispela ol senis.

Ol i tok dispela senis inap long givim sans long planti paul pasin long kamap.

OX & PALM

True Buli Bif Bilong PNG.

OX & PALM BRAND CORNED BEEF

NET WEIGHT 300g

Papalain – trupela samt-ing o kago kalt muvmen?

Bruce Gai i raitim

WANPELA askim i go nau long Praim Minista Gren Sif, Se Michael Somare, Minista bilong Fainens, na Seketeri bilong Fainens wantaim Gavana bilong Sentral Benk long ol i mas tokaut sapos Papalain Asosiesen insait long kantri em i wanpela trupela muvmen na i gat mani long baim ol memba bilong ol.

Dispela askim i kam long wanpela sios na komyuniti lida long Yangoru eria insait long Is Sepik provins.

Dispela sios na komyuniti lida i kamap wantaim dispela askim bihainim ol toktok i stap olsem planti politisen na gavman opisa i memba long Papalain Asosiesen, na Papalain Asosiesen i no wanpela giaman asosiesen olsem

sampela manmeri i gat tingting.

Papalain Asosiesen i wanpela mani skim o muvmen wankain olsem U-Vis-tract, Bonanza 99, Money Rain na Windfall we ol i bin kamap na stap strong sampela yia i go pinis.

Dispela sios na komyuniti lida long Yangoru i tokaut olsem long nau yet, wok na muvmen bilong Papalain i go het yet long Is Sepik provins. Na planti tausent manmeri i memba long dispela asosiesen. Em i tok ol toktok na ripot i kam long ol eksekutiv bilong Papalain i tok olsem nesenel gavman na ol sinia gavman opisa i wok long haitim dispela samtung long ol pipel bilong Papua Niugini. Em i tok dispela long wanem ol i no laikim bai planti pipel i kisim bikpela mani.

Dispeal lidaman long Yangoru, husat i no laikim Wantok Niuspepa long autim nem bilong em, i tok bai moa gutpela sapos nesenel gavman na Gavana bilong Sentrel Benk i tokaut na kliaim tingting bilong ol pipel sapos i tru olsem Papalain i gat mani nau i stap insait long kantri. Em i tok long nau yet, ol eksekutiv bilong Papalain insait long Is Sepik i wok long tokim ol memba bilong Papalain olsem mani i kam insait pinis long kantri na Asosiesen i redi nau long baim ol memba.

“Nesenel Gavman na Sentral Benk i tokim mipela ol pipel bilong Papua Niugini olsem Papalain em i wanpela kago kalt muvmen. Ol eksekutiv bilong Papalain i wok long tokim ol memba bilong Asosiesen

olsem Nesenel Gavman na Sentrel Benk i wok long giaman na paulim ol pipel. Husat nau i wok long tok tru – nesenel gavman na sentrel benk o ol eksekutiv bilong Papalain.” dispela sios na komyuniti lida long Yangoru i tok.

“Mi gat bikpela wari na tingting long ol pipel bilong Is Sepik. Planti bilong ol em ol lain long ples we ol i no save long rit na rait. Ol i spenim bikpela mani tru long wok bilong Papalain. Mi no save na klia nau husat tru bai helpim ol na givim stretpela toktok,” dispela sios na komyuniti lidaman long Yangoru i tok.

“Nau yet long Is Sepik, ol eksekutiv bilong Papalain i tokim ol memba bilong Asosiesen olsem ol i noken tingting planti. Bikos klostu nau bai mani bilong ol i

redi,” dispela lidaman i tok .

Em i tok sapos Papalain Asosiesen em i wanpela kago kalt muvmen na skim, orait, gavman i mas odaim polis long holim pasim na sasim ol eksekutiv bilong Papalain.

Em i tok gavman i noken lukluk tasol i stap na ol giaman lain i paulim na bagarapim ol pipel.

“Praim Minista em i rijinal memba bilong Is Sepik provins. Olsem na em i mas kamapim wanpela wok sekap long wok bilong Papalain insait long Is Sepik. Sapos wok sekap i kamapim olsem Papalain em i wanpela giaman o kago kalt muvmen, orait, em i mas odaim polis long holim na sasim ol eksekutiv bilong Papalain insait long Is Sepik,” dispela lidaman long Yangoru i tok.

Temu laikim wokbung

Paul Zuvani i raitim

OL lidaman na ol manmeri long Hela rijen i mas wok bung long kamap bilong Hela Provins.

Ol i no ken kros-pait namel long ol yet bai wok bilong kamapim provins bai i no inap kamap hariap.

Dispela em tok bilong Deputi Praim Minista Se Dokta Puka Temu taim em i bekim toktok bilong Gavana bilong Sauten Hailans Anderson Agiru long aste, Trinde.

Long pepa Mista Agiru i tok Dokta Temu i ken lukautim wok bilong deput siaman bilong Hela Transisinel Atoriti na i no ken givim long em, Agiru.

Agiru i no amamas olsem Nesenel Eksekutiv Kaunsil (NEC) i kalapim em na makim Memba bilong Tari na Minista bilong Edukesen James Marape olsem siaman bilong Hela Transisinel Atoriti.

NEC i makim Agiru olsem deputi siaman.

Em i tok planti ol bikpela memba bilong NEC olsem Praim Minista Se Michael Somare yet, Patrick Pruaitch, Arthur Somare, Paul Tiensten na Peter O’Neil i bin stap long Amerika long taim Dokta Temu husat i stap olsem Eking Praim Minista na I go pas long NEC i mekim disisen.

Na Agiru i askim Se Michael long rausim dispela disisen na makim em olsem siaman bilong atoriti.

Tasol long bekim Dokta Temu i tok kain askim “i askim bilong lidaman i laikim pawa na posisen tasol.”

“Kain pasin em i no pasin Hela na Papua Niugini i laikim long dispela taim.”

“Mista askim lidaman na ol lain husat i stap insait long dispela atoriti long ol i mas wokbung long lukim kamap bilong Hela Provins.”

“Ol i no ken kros-pait long kisim pawa,” Dokta Temu i tok.

Dokta Temu i tok em i laik bilong Se Michael sapos em i laik senisim disisen dispela i stap aninit long pawa bilong en.

Tasol dispela bai i no gutpela long wanem em bai pulim bek ol plen olsem kamap bilong provins na kamap bilong PNG Likufaid Neturel Ges (LNG) projek.

“Mi no tingting tumas long ol toktok bilong Agiru.”

“Mi wari olsem ol manmeri bai lukim olsem em i pait bilong man i laik kisim pawa.”

Lidameri no laikim Panguna Main op gen

Paul Zuvani i raitim

BIKPELA Panguna kopa main i no inap op gen.

Em inap op sapos olgeta lidameri wantaim ol papagraun i wanbel na tok orait.

Nau yet em bai mas pas, dispela em tok bilong tupela lidameri em Lynette Ona na Joanne Detaransi.

Tupela i mekim dispela tok bihainim nius we dispela pepa i ronim long las wik olsem Panguna Main

mas op gen.

Long dispela tupela i tok olgeta tok i no stret yet em i no gutpela long ol manmeri i kamap wantaim ol toktok bilong opim gen main.

Ona wantaim Detaransi husat ol i bilong Daperana Guava ples i tok ol i karim planti hevi pinis na i no laik go insait gen long wankain hevi.

“Gavman na CRA i mas tok sori pastaim.”

“Baim mipela long K10 bilion kompensesen long ol dai na bagarap i kamap pastaim.”

“Bihain mipela i ken tok long opim bilong main.”

Tupela i tok Chris Damana i no lidaman, em i papagraun tasol.

“Long Bogenvil ol meri i save go pas na i stap lida.” “Chris i no lida na olsem em i no ken toktok.”

“Ol i toktok bikos ol i kisim mani long kampani

na i lus tingting long ol manmeri long ples.”

“Ol manmeri long ples i kisim taim nogut na mitupela i stap long ples.”

“Mitupela i save long belkrai ol na i no inap larim wanpela harere man o meri i kamap na paulim tingting bilong ol,” Tupela i tok.

Long taim bilong Meka’amui Ami tupela i tok i nogat wanpela ami ol i kolim Meka’amui.

Dispela em trabel man husat i gat sans long kisim gan na yusim nating nem bilong Meka’amui.

Tupela i askim dispela ol trabel man long ol i pas pinis long yusim nem bilong Meka’amui na bagarapim gut nem bilong en.

Long sapotim tingting bilong tupela tupela i laik sanap long 2012 Nesenel lleksen na pasim olgeta dispela ol paul toktok i kamap.

OXFORD, TOK PISIN INGLIS DIKSENERI

Katim, na pulim-pim oda form daunbilu na selim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu lanim Tok Pisin i go long Inggris, o Inggris i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

ITEM	QTY	PRICE	TOTAL
PNG Tok Pisin English Dictionary		9780195551129 K39.95	

OXFORD UNIVERSITY PRESS
 17 Wood Lane, Oxford, OX4 2DQ, UK

Phone: +61 (0)8 8373 2000
 Fax: +61 (0)8 8373 2171
 Email: oxford@oxfordup.com.au

FAX BACK TO: (675) 325 2579

Name: _____ Title: _____
 Address: _____
 Postcode: _____



White Magani Greg Green bilong ANZ Benk mangalim sikau o magani bilong Rigo.

Oposisen no inap vot long bil i sapotim paul pasin

Paul Zuvani i raitim

OPOSISEN i no inap long vot long ol lo we inap long givim sans long ol lidaman long kamapim paul pasin.

Tasol long lo we i sapotim gutpela pasin em Oposisen bai vot.

Dispela i tok bilong Memba bilong Mosbi Not Wes na Oposisen Lida Se Mekere Morauta long taim em i tok long Palamen Komiti ol senis i laik kamap long wok bilong Ombudsmen Komisen.

Dispela lo i bilong lukim Ombudsmen i mas tok orait pastaim long ol mani we ol Memba na ol bikpela opisa bilong Gavman i aplai long yusim long ol projek na wok i laik kamap.

Long dispela tok Se Mekere i amamas long Nesenel Risets Institutut (NRI) long em i askim Ombudsmen Komisen na Moses Maladina long Tunde dispela wik long kamap na autim tingting bilong ol.

Em i tok dispela i mekim ol Memba na pablik i save gut long kamap, stap na wok bilong Ombudsmen.

"Taim ol Memba i save gut long wok bilong Komisen ol bai save gut long wanem samting ol bai mekim taim ol i vot long Bil long Me Palamen Kibung."

"Planti ol Memba i no klia long ol tok i stap long askim bilong senis i kamap na long taim ol i vot long namba wan Riding. Oposisen i no vot long dispela."

"Long Mas Kibung mipela ol Oposisen i no vot long namba wan Riding tasol long namba tu Riding mipela ol Oposisen i vot," Se Mekere i tok.

Bil bilong mekim senis em wanpela komiti we Memba bilong Esa'ala Moses Maladina i siaman bilong em.

Tupela Riding i kamap pinis long Mas Kibung na wetim namba Tri Riding long kamap long Me Kibung.

Sapos Palamen i kisim Absolut Mejoriti 73 vot olsem lo i tok orait dispela bai lukim senis bai kamap.

Sapos nogat em bai nogat.

"Bikos Oposisen i no save gut long ol toktok i stap insait long Bil em i vot egens long dispela Bil.

Tasol i vot wantaim gavman long namba tu Riding."

"Mi lukim sampela gutpela tok tu long dispela Bil."

"Mipela bai sapotim Bil we Bil i sapotim wok bilong Komisen na bai pasim Bil sapos Bil i pasim wok bilong Ombudsmen," Se Mekere i tok.

Sampela samting em i tok Bil i gutpela long em:

- BIL i surukim taim bilong Komisen long tupela wik i go long wanpela (1) mun long mekim wok painim i go insait long samting em i ting lidaman i mekim asua. Dispela em long givim inap taim long Komisen long mekim wok painim;
- NARAPELA samting em long Komisen i mas mekim wok painim sapos em i ting lidaman i yusim pablik mani long helpim em yet. I no long em i mekim wok pablik;
- NARAPELA samting em Komisen i no ken pasim Memba long yusim pablik mani. Nau yet Komisen i mas tok orait bipo long Memba i

ken go het long yusim mani. Ombudsmen i ken mekim wok painim sapos em i ting Komisen i mekim asua long taim em i yusim pablik mani;

● NARAPELA em long lidaman i mas wet long Komisen long givim tok orait sapos em i laik mekim sampela praivet bisnis olsem baim sea long wanpela kampani. Long dispela kampani i no inap wetim lidaman olsem em i mas wet long salim sea inap long lidaman i redi wantaim mani bipo long em i go het long salim sea o pinis long salim sea.

Em i tok dispela ol lo i gutpela long wok bilong Komisen na i no pasim wok bilong en.

Planti bilong ol tok bilong senis i stap long Seksen 27 na 28 long Duti na Responsibiliti bilong Ombudsmen Komisen.

Mista Maladina long taim em i tokaut long Bil i tok long sensim tok i stap long Seksen 27 Sabseksen 3 na 5 na nupela Seksen em 219 A we i tok long kamap bilong Pemenen Ombudsmen Komiti.

Long Seksen 28 bilong Mama Lo we i tok long wok bilong strongim Neturel Jastis dispela i tok long Ombudsmen i mas givim tok orait bilong yusim pablik mani.

Long dispela Maladina i tok Komisen bai hatwok long mekim wok tupela taim.

Namba wan em long yus bilong pablik mani sapos em i skelim samting lidaman i laikim yusim i tru na i gutpela na bihain mekim wok painim sapos em i ting lidaman i asua long yusim pablik mani.

Hap bilong Seksen 28 we i tok long Memba i mas kisim tok orait long Komisen pastaim long em i yusim pablik mani i mas no ken stap.

Dispela i lusim taim Memba long mekim wok.

Nau yet Komisen yet wantaim ol arapela grup olsem Transperensi Intanesenel (PNG) na sivil sosaiti i tok nogat long dispela ol senis.

Ol i tok dispela senis nogat bai givim sans long planti paul pasin long kamap.

Kamapim saveman pastaim, bihain LNG projek: Marat

Paul Zuvani i raitim

PAPUA Niugini bai lusim planti mani long taim PNG Likufaid Neturel Ges (LNG) projek i kamap.

Dispela em long tupela samting- long taim konstraksen wok i kamap na long tupela o tripela yia bihain taim Gavman na projek divelopa i salim ges.

Dispela em tok bilong Memba bilong Rabaul na Atoni Jeneral Dokta Allan Marat long taim em wari olsem planti mani bai go aut long namba wan hap wok bilong projek.

Dispela projek bai stap inap long 30 yia na bai kamapim inap olsem K42 bilion.

"Gavman i no ken silip na bihainim tasol wanem samting i save kamap."

"Em i mas kirap na tingting go het long wanem samting em mas mekim, redim em yet na bihain mekim ol bikpela disisen," Dokta Marat i tok.

Em i tok Papua Niugini i gat planti ol risoses tasol em mas mekim sampela samting long lukim ol manmeri i kisim gut kaikai bilong dispela ol risoses.



KAMAPIM SAVEMAN: Dokta Allan Marat laikim saveman mas kamap pastaim.

"Mipela i mas trenim ol savemanmeri."

"Trenim ol manmeri long kisim na mekim ol kain bikpela wok olsem ges."

"Taim mipela i no redim kain savemanmeri em i no gutpela long mipela i tok orait long kamap bilong ol projek we ol i no save long mekim wok."

Em i tok ol savemanmeri

bilong narapela ol kantri i kisim kontrak na mekim wok long dispela ol projek.

Em i tok Gavman bai trenim ol wokmanmeri tasol wanem taim dispela bai kamap i narapela samting.

"Bikpela wari em stat long dispela taim i go ol wokmanmeri bilong narapela kantri i kam na mekim wok."

"Na taim ol i kam ol i kisim

bikpela mani i go aut na Papua Niugini i lus."

"Wet pastaim. Trenim wokmanmeri na bihain kamapim projek."

"Ges bai i no inap ronawe," Dokta Marat i tok.

Em i tok wok painim long ges long ol arapela hap bilong kantri bai kamap na olsem Gavman i mas tingting gut.

Askim sapos em i autim tingting bilong en long Gavman, Dokta Marat i tok em i toktok wantaim Minista bilong Stet Entaprais Arthur Somare na Somare i wanbel.

"Mi tokim em na em i save long dispela na i tok gen olsem Gavman bai mas trenim yet ol savemanmeri bilong en long kamap bilong dispela ol projek."

Na askim sapos em inap askim Gavman long pasim wanpela LNG projek na lukluk long namba wan em i tok dispela bai wanpela bikpela askim.

"Em samting wanpela bai i no inap kisim bekim isi," Dokta Marat i tok.

Namba wan projek em ExxonMobil i go pas long em na narapela em InterOil i go pas.

Mosbi long lukim nupela bas sevis

Paul Zuvani i raitim

ME 12, 2010 i de manmeri long Mosbi bai lukim nupela bas sevis.

Dispela em taim Gavana bilong Nesenel Kapital Distrik Powes Parkop i ronim nupela ol bas em i baim long Kwinslen, Australia long stat bilong dispela yia.

Wantaim dispela em bai stat long ronim gen bas sevis bilong ol skul pikinini.

Tasol em i gat hevi long sait bilong mani na i askim sapos narapela ol oganaisesen inap long helpim long mani long ronim kain sevis olsem.

"Long planti ol siti long wol ol pablik sevis i no save mekim profit."

"Mi laik sevisim dispela na lukim olsem ol i mekim win mani na i sanap long lek bilong ol yet," Parkop.

Em i traim long skul bas sevis tasol dispela i no kamapim inap mani long ronim dispela sevis olsem na em i pasim ron bilong dispela ol bas.

Dispela ol bas nau i sindaun long fran bilong Bi-

mobail opis long Gordons, klostu long Ovahet Bris bilong Poreporena Friwei.

Em i tok askim tupela fan, Nasfan na Namba wan Supa long helpim wana taim mani long ronim dispela tupela sevis.

"Dispela em bikos ol bas bai karim wokmanmeri bilong ol i go long wok."

"Dispela i ken helpim ol wokmanmeri long kamap hariap long wok na go bek isi long haus."

"Ol PMV long dispela taim i no bihainim rot na olsem planti ol manmeri i leit long go long wok o go long haus bilong ol," Mista Parkop i tok.



Ol PMV i no save bihainim rut bilong ol.

PNG niusmeri winim skul long Australia

GAVMAN bilong Australia i givim mani long wokabaut bilong wanpela Papua Niugini (PNG) niusmeri long wanpela program long Australia.

Dispela niusmeri em Nancy Gah husat i wok wantaim Nesanel Brodcasting Koporesen (NBC) Wes Nu Briten.

Mis Gah i winim luksave long stap insait long dispela program long Redio Australia o Australian Brodcasting Komisnin (ABC) na Dipatmen bilong Foren Afes na Tred bilong Australia.

Dispela program i bin kamap long luksave long wok bilong bipo ABC redio man Douglas Gabb, na ol i kolim dispela program Douglas Gabb Australia Pasifik Jonalisim Intensip program.

Mis Gah husat i bosmeri bilong nius long Redio Wes

Nu Briten i winim dispela awot long planti narapela biknem ripota husat i putim nem long kisim dispela awot. Em i winim dispela awot long wanem long gutpela save na wok bilong em.

Nau yet Mis Gah i stap wok wantaim ABC studio long Melbon. Em bai go tu long Kenbara long wok na Brisben tu long stap insait long 2010 UNESCO Wol Pres Fridom Kibung long Me 1 i go long 3.

Mis Gah i hap Wes Nu Briten na Bogenvil na i bin wok wantaim NBC Wes Nu Briten inap long 8-pela yia.

Em i tok tenk yu long ABC na Gavman bilong Australia long luksave long em na givim em dispela awot.

Mis Gah bai stap wanpela mun long Australia na kam bek long PNG.



KISIM LUKSAVE: Ol biknem niusman Sean Dorney, (namba tu lephan) Oseah Philemon, (rait) Joe Kanekane, (namba tu long rait) Hai Komisina bilong Australia long PNG, Ian Kemish, wantaim Mis Gah. Foto: AUSTRALIA HAI KOMISIN



Kam bungim mi long hap, bai yumi hamamas wantaim!

SINGSING NA PILAI GITA. KAM INSAIT NA HARIM OL - I NOGAT PEI

Em i Musik long Midia Fridem Festival na ol lain i resis long singsing i stori long olsem wanem midia fridem save halivim sindaun bilong yumi. Na ol i resis long winim K1500.

- Sarere 1 Mei, stat 9 kilok moning na go nap long apinun
- Sir John Guise Indo Spots Complex, Waigani Drive.

OL BISNIS HIA I SAPOTIM MIDIA FRIDEM:

PNG's Bigger, Better Network.

 An initiative of the Media Council of Papua New Guinea supported by AusAID

 The Media Council of Papua New Guinea, PO Box 135, Port Moresby. Tel: 323 3265

Kampani noken abrusim minimum weis mak

Michael Novingu i raitim

MEYA bilong Lae siti, James Khay, i no wanbel long ol kampani i raitim pas i go long Nesanel Minimum Weis Bod (NMWB) long kisim tok orait long ol long noken peim fotnait pe K2.29 long wanpela aua long ol woklain bilong ol.

James Khay i tokim wanpela Midia Konfrens long Lae las wik olsem Nesanel Minimum Weis Bod noken givim tok orait long ol kampani long ol i no ken peim K2.29 long ol wok manmeri bilong ol.

Mista Khay i tok ol wok manmeri long Papua Niugini i mekim bikipela wok, tasol nogat luksave long ol long stretim wok kondisen bilong ol.

"Inap, em i nap ol kampani i no laik long bihainim Leba Lo bilong Papua Niugini mas kirap lusim kantri na go wok bisnis long sampela hap," Mista Khay i tok.

Mista Khay i tok fotnait pe bilong ol wok manmeri long Papua Niugini i liklik, i no inap long lukautim sindaun bilong ol long peim skul fi, hausik na arapela samting, moa

yet em i tok liklik ol manmeri i kisim long wok bilong ol i as bilong sindaun i bagarap long ol taun long Papua Niugini.

Mista Khay i tok planti bilong ol wok manmeri i stap long ol setelmen taim ol i wokim mani plen dispela mani i no inap long lukautim sindaun bilong famili bilong ol.

"Long dispela as ol mama na ol pikinini meri bilong ol i wokim pamuk pasin long lukautim sindaun bilong ol, na ol pikinini man mas go mekim raskol pasin, ol i kalabus," Mista Khay i tok.

Em i soim aut olsem ol kampani i no laik long lukautim ol wok manmeri bilong ol.

Mista Khay i tok ol manmeri i mas peim K2.29 reit long wanpela aua, na putim sampela mani antap long K2.29 reit long peim fotnait pe bilong ol wok manmeri bilong ol.

"Mipela ol manmeri long Papua Niugini ol i mekim mipela olsem ol kalabus manmeri antap long graun bilong mipela we ol manmeri long arapela kantri i kam kisim, yusim risos bilong mipela dispela kain pasin i mas stop," Mista Khay i tok.



STORI TASOL wantaim Fr Paul Liwun Smel bilong kindam

NARAPELA stori gen i kamap long Sista Grace Maia SSpS, wanpela Holi Spirit misinari Sista bilong Is Timor i wok long Brasil.

Las wik em i bin raitim na salim wanpela stori long email. Em i wanpela fani stori liklik tasol i gat gupela skul bilong em.

Wik bipo, bihain long skul em i bin go long maket. Em i amamas tru taim em i lukim ol i salim ol liklik kindam bilong wara i stap. Em i tok olsem long ples em i stap long en, i hat tru long painim pis o kindam o narapela samting bilong solwara.

Olsem na taim em i lukim ol i salim kindam i stap, em i hariap tru na baim.

Ol i karamapim long plastik na em i putim insait long han bek bilong em wantaim buk bilong skul na kalap long bas na go long haus.

Em i pilim les tru bihain long skul, olsem na em i go long rum, putim bek antap long tebol na i slip. Em i lustingting tru long kindam em i baim long maket.

Narapela de em i kirap na kisim narapela skul bek na go long skul. Taim em i kam bek long haus, insait long haus bilong ol i gat smel nogut i pulimapim tru haus bilong ol.

Olgeta Sista i hat wok tru long painim, wanem hap smel i kamap. Tasol i nogat wanpela i painim. Ol i bin yusim spre bilong rausim ol smel nogut, tasol smel i no lus. Em i stap yet.

Taim ol i no painim moa, olgeta i stop bikos ol i ting wanpela rat i mas indai insait long wol bilong haus.

Olgeta i stop long painim na ol i go lukim TV long rekreasen rum bilong ol. Namel long lukim TV, Sista Grace i kirap nogut tru, na tingim bek olsem asde em i bin baim ol kindam na putim long rum bilong em. Em i lusim TV rum na ran hariap i go long rum bilong em.

Taim em i opim rum bilong em, smel i kamap strong moa na taim em i opim skul bek bilong em.....strongpela strong smel nogut i kam aut long bek bilong em. Em i lukim olgeta kindam i sting pinis, ais i wara na bagarapim olgeta buk bilong em.

Em i singautim Muder bilong haus na i tokim em olsem.....mi painim pinis as bilong smel nogut.

Muder i hariap i kam long rum bilong Sista Grace, bikos em i tingim wanpela rat i dai long rum bilong Sista Grace. Tasol taim em i go insait.....mmmmmm smel bilong kindam i sting pinis i bagarapim nus bilong em olgeta.

Em i tokim Sista Grace long hariap kamaut na tromwe dispela kindam i sting pinis long em.....wasim tebol na klinim rum na spreim gen wantaim samting i gat gupela smel.

Olgeta sista long komuniti bilong em i lap nogut tru long Grace taim em i karim dispela kindam i sting pinis i go aut long haus na tromwe long rabis bin.

Jisas i tok, em i no hat wok o isi long yumi lukim liklik pipia i stap long ai bilong narapela, na yumi lus tingting olsem wanpela bikpela palang i pasim ai bilong yumi.

Sista Grace i komplek olsem rat i dai na kamapim smel nogut insait long wol bilong haus, tasol tru tru smel nogut i kamap insait long rum bilong em yet.

ANZ Benk helpim ol sios long Rigo

James Kila i raitim

ANZ Benking Grup (PNG) Limited long dispela yia bai amamasim 100-yia bilong en long givim benking sevis.

Olsem na long amamasim dispela 100-yia (centenary) ol opisal bilong ANZ i no long taim i go pinis, i bin mekim bikpela donesin o givim helpim i go long sampela ol Kristen Sios insait long Rigo distrik long Sentral provins.

ANZ i bin givim donesen we i lukim ol i givim ol samting olsem tebol, sia, ol matres na tu ol narapela samting bilong haus i go long Galomarupe Yunaited Sios.

Dispela donesin i bin kamap long Ela Bis, taim ol wokman bilong ANZ Benk i givim ol dispela samting i go long long Siaman bilong Galomarupe Yunaited Sios, Lago Kilagi.

ANZ Benk midia Komiti Siaman na Menesa Tred Fainens, Eddie Kumbu, i bin sekan wantaim Mista Kilagi long givim ol dispela samting long Yunaited Sios long Galomarupe.

Ol narapela lain wokman bilong ANZ husat i bin stap long dispela seremoni em ANZ Divisinol Investigesin Menesa na seketeri bilong Midia Komiti,



GIVIM: Siaman bilong ANZ midia komiti na menesa Tred Fainens, Eddie Kumba i sekan wantaim Yunaited Sios siaman bilong Galomarupe viles, Lago Kilagi. Long sait em ANZ Divisinol Investigesin Menesa na seketeri bilong midia Komiti, Edward Tau na tu ANZ Sinia Foren Eksens Dila na Midia Komiti memba, Michael Rangrang.

Edward Tau na tu ANZ Sinia Foren Eksens Dila na Midia Komiti memba, Michael Rangrang.

Las wik i go pinis, ANZ midia komiti tim i bin kisim kar na i bin go wantaim ol lain memba bilong Saroa Keina na tu Sivitana viles long Rigo eria long mekim narapela donesin gen i go long tupela sios gen long dispela eria.

Wantok Niuspepa i bin raun i go wantaim ol tim bilong ANZ i go long dispela wok long Saroa Keina na tu long Sivitana viles long las wik Sarere long givim dispela donesin. Ol tim bi-

long ANZ i bin givim gupela toktok long dispela tupela viles pastaim long ol i givim ol donesin i go long ol sios hetman long dispela tupela ples.

Dispela wok raun tu i lukim wanpela bikman bilong ANZ Greg Green, husat i to pas olsem Het Risk insait long ANZ Westen Pasifik bin amamas tru long raun wantaim ol lokal opisa bilong ANZ. Narapela bosman tu em Het bilong Maketing, Mea Ravu, husat i bin amamas long givim toktok na tu lukautim raun bilong ol niuslain i go long ol dispela viles long Rigo.

Katolik sios i mas holim strong bilip

Michael Novingu i raitim

ASKIM i go long ol Kristen manmeri bilong Katolik Sios long holim strong bilip bilong ol long wokbung wantaim ol arapela sios bilong kirapim kristen kantri na gupela sindaun long komyuniti.

Memba bilong Lae Open, Bart Philemon, i mekim dispela toktok long makim 50 krismas bilong Marian Hill Misinari i kamap long Lae long 1960.

Mista Philemon i tok, Morobe provins em planti manmeri ol i bihainim Luteran sios, tasol ol Marian Hill Misinari, pater i kam long Lae long 1960, na i statim Katolik Sios long Lae.

Em i tok wok bilong ol Marian Hill Misinari nau i karim kaikai long wanem ol i kisim gutnius bilong Jisas Krai i kam long senisim pasin bilong ol manmeri long kirapim gupela sindaun long ol komyuniti bilong ol.

Mista Philemon i tok long kristen pasin tasol, ol Katolik Sios i wok bung wantaim ol Luteran, na ol arapela sios long strongim bilip bilong ol long kirapim gupela sindaun bilong ol long ol komyuniti bilong ol.

Long wankain taim, Pater Damien Webet, husat em i Supiria Jeneral long Marian Hill Misinari, i tok ol pater i kisim gutnius bilong Jisas Krai i kam long kirapim gupela

pela sindaun bilong ol manmeri long ol famili na komyuniti bilong ol.

Pater Webet i tok, "Mipela i no kisim gutnius tasol i kam. Nogat. Mipela i kisim edukesen, helt, na ol arapela sevis tu i kam na i helpim planti manmeri long kamapim gupela sindaun bilong ol.

Provinsel Supiria bilong SVD Misinari long Madang, Pater Joseph Roszynski, i stap tu long dispela bung long amamasim 50 krismas bilong Marian Hill Misinari long Lae siti kam bung long Se Ignatius Kilage stedium long tingim ol Marian Hill Misinari i wok misin long Lae na Papua Niugini.



Namba tu pri-tes long Morobe kamap gut

Namba tu senus pri-tes bilong Nesinol Statistikal Ofis (NSO) kamap las wik long Morobe provins i bin kamap gupela.

Maski sampela lain i les long tokaut long krismas bilong ol na wanem gret long skul ol i pinisim, wok askim o dispela pri-tes i bin kamap gut tru.

Planti bilong ol dispela em ol yangpela papa mama bilong ol haus tasol ol i amamas yet long bekim gut ol arapela askim.

As bilong pri-tes em bilong lukim sapos ol askim i go stret na klia long yau bilong manmeri. Sampela ol askim bilong skelim em ol askim bilong dai bilong ol mama, hamas pikinini ol i karim, ol kain haus ol i save slip long en na save bilong rit na rait. Dispela i kamap bihain long tripela de trening long tupela hap.

Trening bilong Morobe Eben em long Phil's Motel na trening long Morobe Rurel em long Atzunas Vilis Guest Haus long Makam distrik.

Trening long dispela tupela ples i bin i gat 12-pela manmeri husat i kisim dispela skul na em i pinis bihain long tripela de.

Ol ples ol i wokim pritest insait long Morobe rural em long Atzunas na Tumoa long Ume/Atzera Lokel Levul Gavman Eria. Na bilong Morobe eben em Oleanda Avenu, Kasuarina Avenu, Poisiana Avenu na Kamkumun Eben Setelmen.

Wanpela man o meri bilong sensus pritest i bin askim 50-pela papa o mama bilong haus. Olgeta wantaim em 600 het man o meri bilong haus ol bin intaviuim long Makam na Lae Eben.

Dispela pritest long Morobe i namba tu bihain long pastaim i kamap long Abau distrik long Sentral Provins long mun Mas long dispela yia.

Na tingim, taim tru bilong kaunim wanwan manmeri bai kamap long de 11 i go inap long 17 de bilong mun July long 2010.



KAMAPIM CHAMPION BLO YU!



Olgeta manmeri na pikinini mas yusim moskito net i gat marasin - PSI

James Kila i raitim

SIK MALARIA i wok long kamapim planti dai insait long Papua Niugini.

Olsem na olgeta manmeri na pikinini mas slip insait long moskito net o taunam long banisim ol yet long kisim dispela strongpela sik malaria.

Dispela em strongpela tok-tok man husat i makim Profesenal Sevises Intanesinol (PSI), Cynde Robinson, i bin mekim long las wiken long taim bilong amamasim Wol

Malaria De long Waramo viles klostu long Vanimo long Sandaun provins.

Mis Robinson i tok olsem sik malaria i save kilim indai ol manmeri na pikinini. Tasol i gat rot long banisim dispela sik long noken kamap na kamapim dai.

Em i tokaut olsem tupela bikpela rot long banisim malaria long bringim sik em long ol manmeri na pikinini long slip aninit long moskito net o taunam long olgeta nait na tu taim wanpela man, meri

o pikinini i sik, wantu tasol ol i mas go long hausik o helt senta insait long 24-aua tasol.

Ripot Wantok Niuspepa i kisim long ol wok lain bilong PSI i tok olsem dispela de bilong makim Wol Malaria de long Waramo viles i bin kamap gut tru. i bin gat planti ol gutpela toktok long sait bilong aweanes long sik malaria na tu ol lain bilong Helt Dipatmen i stap long givim stori long wok bilong helt long sait bilong sik

malaria na tu ol narapela patna i mekim aweanes bilong ol.

Gavana bilong Sandaun, Simon Solo i bin tokaut long dispela bung long Waramo olsem provins biong em i kisim gutpela helpim long sait bilong moskito net em i gat marasin i stap long en. Em i tok planti ol pipel long ol ruel erias i kisim ol fri moskito net pinis na dispela em i gutpela na strongpela rot long banisim sik malaria namel long ol pipel bilong Sandaun.



Ol Sios Lida i Tokaut long HIV/AIDS – Hap 1.

LONG mun Novemba long las yia, planti ol Sios Lida bilong kainkain Kristen lotu i bin bung wantaim long Pot Mosbi na i wokim wanpela bikpela tok – “Statement” – long HIV/AIDS. Mi laik serim dispela toktok wantaim yupela nau.

Ol Kristen Lida i Tokaut long HIV/AIDS Wanpela man i kam lukim Jisas na i askim em: “Husat i “neighbour” bilong mi?” Jisas i bekim askim bilong dispela man long stori long Gutpela Samaritan. Na bihain long autim stori, Jisas i tok: “Yupela i go na mekim wankain pasin.” (Luk 10:29-37)

Mipela, ol Kristen lida long Papua Niugini i save dispela nupela sik, HIV/AIDS, em Kruse yumi mas karim long taim bilong yumi yet. Hevi bilong dispela sik i save go insait long olgeta hap bilong laip bilong yumi – long kalsa bilong yumi, wok bisnis na ol developmen, laip yumi mas lukautim (“human responsibility”), samting i makim man na meri (“gender”), samting bilong wanpela i prenim narapela (“sexuality”), wanem samting i gutpela o nogut (“morality”), na marit na famili laip. Sapos yumi trupela Kristen, pasin bilong yumi na bekim long HIV mas wankain pasin Gutpela Samaritan i bin mekim. Dispela bekim i mas pulap long Kristen laik na sakrifais. Yumi mas kamap Gutpela Samaritan tru na helpim wanwan long karim hevi.

Mipela ol Kristen lida i laik bihainim dispela rot nau:

Bilip long God na Buk Baibel: God em i save sori tru, pogivim man na marimari long em, na stretim bek man (“healing”) i save karim bikpela hevi. Ol Kristen sios i mas i gat wankain tingting na bihainim pasin bilong trupela laik i save kirapim hop. Hop na laik bai winim ol kranki toktok nogut, pasin bilong jasim, semim man na kirapim bikpela fret insait long man. Trupela Tok bilong God i mas helpim man karim hevi.

Tok i mas kamap ples klia: Yumi no ken haitim sik HIV/AIDS o lus tingting long dispela sik i stap long komyuniti. Sios lida wantaim komuniti i mas sanap wantaim, kisim moa save long HIV/AIDS, na stetim wari long pasin bilong shake-han, wanbel na bel isi, i kam wantaim Gutnius bilong Jisas Kraiss.

Ol i mas tokaut insait long ol Haus Lotu: Ol Kristen lida i mas tokaut long HIV/AIDS insait long haus lotu bilong ol. i gutpela sapos ol i tok long God wanpela i givim na blesim laip bilong wanwan - wanwan i gat rait long laip na lukautim laip bilong em i go i go - komuniti mas was na laikim wanwan man na meri na pikinini.

Ol Pastor i mas lukautim sikmanmeri: Ol sios lida i mas lukautim sikmanmeri na helpim ol long taim sik i kirap i go i go inap long taim sikman i dai. Ol i mas helpim ol long prea, ol Lotu na Sakramen; na helpim ol long kaunsiling na kaikai samting; las samting, ol i mas planim ol long Kristen pasin.

42 UNITEK Greduesen

EDUKESAN em i bikpela samting long laip bilong yu, save yu kisim mas yusim long kirapim developmen long Papua Niugini na kirapim gutpela sindaun long famili na komyuniti bilong yu.

Yu mas rispektim arapela nogat save long wanem em, em bilong Papua Niugini wankain olsem yu long wanem papa God i mekim em.

Vais sensela bilong yuni-versiti ov teknologi long Lae, Dokta Misty Baloiloi i mekim dispela toktok i go long samting olsem 2000 papa mama, poro, wan pisin i bung long lukim 910 sumatin long 42 greduesen ol sumating i pinisim skul bilong ol kisim pepa bilong ol long las wik Fraide.

Dokta Baloiloi i tokim ol sumating na papa mama olsem yu noken seken klas

sumatin, nogat yu karim namba na nem bilong UNITEK na Papua Niugini.

Em i tok yu ken tok inglis olsem ol manmeri long Australia na arapela kantri olsem yu lainim long fopela krismas yu skul long UNITEK.

Maski ol kainkain toktok baksait i kam long bagarapim gut nem bilong UNITEK, long wanem mipela i no kamapim gutpela sumating, nogat

yum as soim olsem save yu kisim long UNITEK i gat namba i kamapim planti save manmeri long Papua Niugini long Papua Niugini, Dokta Baloiloi i tok.

Dokta Baloiloi i tok UNITEK i no wetim ol gutpela samting long kam nogat, UNITEK i wok hat long kamapim ol samting long skulim ol sumatin long kisim save long kirapim developmen long Papua Niugini.

Em i tok planti ol saveman o konsalten long Australia i kam long Papua Niugini i tok yunivesiti bilong mipela i no skulim ol sumatin gut yu ken lukim ol sumating i pinis skul long UNITEK i kisim wok long ol maining long Australia, Africa na arapela kantri.

Nupela kos o skul bai UNITEK i kamapim bihainim wok kamap long LNG projek, dispel kos em Petro Kemikol Enjiniering (Petroleum Chemical Engineering) bai ol i ranim aninit long lukaut bilong ol save man i save mekim dispela wok na stia komiti bilong UNITEK, Dokta Baloiloi i tok.

Moa yet em i tok UNITEK i sainim wanpela tok orait wantaim Australia na Malaysia long wok bung wantaim ol long ronim dispel kos o skul long ol sumatin.

Em i tok tu olsem UNITEK i sainim wanpela tok orait wantaim Hela provins long kirapim yuni senta long skulim ol sumating long kamapim ol save manmeri long kisim developmen i go long hap bilong ol.

Dokta Baloiloi i tok UNITEK i save karimaut ol komyuniti projek long planti hap bilong Papua Niugini long kirapim gutpela sindaun long komyuniti bilong ol, Abisan komyuniti skul long Karkar ailan i wanpela skul we UNITEK i kirapim websait o kompyuta long lainim bilong ol sumatin.

MEDIA EXPO

Midia bilong yumi; maus bilong yumi

Kam bungim ol lain i wok long midia na kisim save long wok bilong midia - radio, TV, niuspepa, internet. Ol i olsem ai bilong yumi, na iau na maus bilong yumi.

- Fraide 30 April na Sarere 1 Mei. Stat long 9 kilok moning na i go inap long apinun.
- Sir John Guise Indo Spots Complex, Waigani Drive.

NO GAT PEI LONG LUKIM

OL DISPELA BISNIS HALIVIM MIDIA EXPO:

PNG's Bigger, Better Network.

An Initiative of the Media Council of Papua New Guinea supported by AusAID

The Media Council of Papua New Guinea, PO Box 135, Port Moresby. Tel: 323 3265



Maladina mas rausim ol pinga bilong em long mama loa

NAMBA 3 HAP LAS
TOKTOK-

TAIM yu lukluk long Konstitusen o mama loa bilong mipela, bai yu luksave olsem em i wanpela bikpela hap buk tru we i tok klia bihainim stret tingting bilong ol mansave bilong yumi i gat taim ol i kamapim.

Konstitusen i no larim wanpela samting i hangamap nating.

Bikpela as luksave i holim Konstitusen, em i banis bilong lukautim wan wan manmeri.

Olsem tasol, na dispela samting Konstitusen, em i olsem wanpela buk bilong ol tru tru asples manmeri.

Yumi no inap long tok Konstitusen bilong yumi i wankain olsem Buk Santu o Holi Baibel, tasol i orait long tok olsem bihainim long Buk Santu, mipela i gat Konstitusen.

Em i wanpela buk we i holim ol tok tok mipela i mas gat bikpela luksave na rispek long en.

Tasol sampela ol memba bilong palamen bilong yumi i no luksave olsem Konstitusen em i maus bilong yumi, i no tude tasol. Nogat. Em i maus bilong makim tu ol tumbuna bilong yumi long bihainim.

Long dispela sait, yumi mas luksave olsem Konstitusen, o li no raitim olsem wanpela hap pepa tasol long halivim wanpela grup pipel na bihainim laik bilong ol. Konstitusen i stap olsem fremwok bilong kamapim gutpela komyuniti we i luksave long ol rait na fridom bilong wan wan manmeri, na tu, em i kliaim rot bilong sanapim na lukautim wanpela gutpela gavman system wantaim olgeta wok banis na sekim bilong em yet.

Olsem tasol, Konstitusen bilong yumi em i wanpela pepa i bungim wantaim olgeta laik na bilip bilong ol pipel bilong holim yumi i go inap yumi yet olsem pipel i ken sanapim wanpela kain gutpela komyuniti i luksave long sindaun bilong pipel yet. Konstitusen i no wanpela hap pepa bilong ol memba bilong palamen long "kat katim na senisim" bihainim laik bilong ol long holim moa pawa na biknem.

Mipela i lukim olsem namba wan Seksen 27 bilong Konstitusen i gat tupela astingting. Namba wan, Seksen 27 em Konstitusen i yusim long banisim yumi, ol liklik manmeri, long pawa Eksekutif Han bilong gavman i gat. Dispela seksen i luksave olsem mipela ol pipel i olsem bebi i susu yet long mama, husat i gat bikpela strong, olsem gavman. Olsem na taim mama i kros, em i gat strong long lusim mipela i stap nating o i pasim susu long maus bilong mipela. Moa yet, em i ken tromwe mipela olsem pipia nating long sait bilong rot na larim mipela i dai.

Wankain tasol, gavman i ken pasim ol sevis olsem helt, eduken, trening na wok taim em i kisim mani na makim i go long narapela wok na i no luksave long ol nid bilong yumi ol pipel. Em nau bai mipela i nogat inap save (olsem yumi stap nau) na bai yumi stap sindaun olsem ol tumbuna bilong yumi bilong bipo. Tasol nau, mipela bai no inap stap long ol ples bilong yumi. Bai yumi stap long ol setolmen olsem Tete, 2-mail, Morata, Erima, na 8-mail, we i nogat wara saplai, nogat pawa, na ol pikinini bilong yumi bai ron i go kam long setolmen olsem ol wel dok.

Namba tu wok bilong Seksen 27 em long helpim ol memba bilong palamen bilong yumi, we bai ol i tingim yet olsem ol i stap long palamen long helpim pipel, na i no bilong helpim ol yet. Olsem na sapos OC i gat inap toksave na tok olsem memba bilong yumi i traim long stilim K10 milion em i save kisim olgeta yia, Komisn bai givim oda

long memba aninit long Seksen 27(4) olsem long tingting bilong Komisn, memba i no bihainim stretpela pasin aninit long loa i bosim ol lida. Em tupela bikpela wok bilong Seksen 27(4) bilong Konstitusen.

OC i save yusim dispela Seksen 27(4) long tokim memba, olsem long luksave bilong ol, em i no wok olsem lida aninit long Konstitusen, na ol arapela loa we i tok em i mas mekim wok olsem tru tu lida.

Dispela Maladina Amenmen o senis long loa, bai slekim o rausim pawa bilong OC long givim oda long ol lida bilong yumi long stiaim ol aninit long Seksen 27 bilong Konstitusen na ol arapela loa we ol i mas bihainim olsem ol lida, na i no bilong halivim ol yet na lus tingting long pipel. Maladina Amenmen i tokim mipela olsem: OC i noken pasim mipela long stil. Sapos Komisn i gat evidens olsem mipela is til, orait, em i mas pasim maus na wetim inap mipela i pinisim dispela wok stil, na bihainim, bai em i ken kam insait na yusim pawa bilong em long sasim mipela long lidasip traibunal long asua mipela i mekim. Em i noken mekim pastaim.

Orait, nau tasol, bai yumi luksave long tingting bilong ol memba olsem OC i noken pasim ol long wok stil. Sapos Komisn i sindaun tasol na lukim ol i salim dispela K10 milion i go insait long ol praivet benk akaun bilong ol yet, na stat long rausim mani long ol ATM masin wantaim ol benk kad bilong ol, na insait long 90 de samting, bai K10 milion i lus pinis, na bai akaun i gat ziro balens. Em nau, mipela i askim, bai yumi mekim wanem?

Mipela i ting olsem tupela samting bai kamap.

Namba wan, K10 milion bail us na nogat wanpela projek insait long ilekotret bai kisim hap bilong dispela mani.

Na sapos Komisn i go insait na traim long sasim memba, em bai lusim wok olsem lida, na Komisn bai no inap long sasim em moa, bikos em i no memba bilong palamen moa, olsem na em i no lida, na em i ken abrusim mekimsave bilong Lidasip Traibunal.

Namba tu, olsem wanem long dispela K10 milion? Sori tumas, memba yet i yusim pinisim olgeta long em yet, famili bilong em, na ol wanlain bilong em. Na em i yusim tasol ol ATM masin bilong rausim dispela mani. Na wanem kain samting tru i go long ol pipel long konstituensi bilong en? Nogat tru. Na memba? Nogat wanpela samting bai kamap long memba!

Olsem na mipela i askim: sapos mipela i gat inap evidens olsem honorabel memba i laik paulim mani, i no gutpela moa long OC i go insait na stopim memba long mekim dispela pasin. Watpo na OC bai sindaun na wetim memba long go het na paulim mani, pastaim long Komisn i yusim loa bilong sasim ol lida? Em i no stret.

Olsem na mipela i askim: sapos mipela i gat inap evidens olsem honorabel memba i laik paulim mani, i no gutpela moa long OC i go insait na stopim memba long mekim dispela pasin. Watpo na OC bai sindaun na wetim memba long go het na paulim mani, pastaim long Komisn i yusim loa bilong sasim ol lida? Em i no stret.

Mipela i ting olsem bikpela askim tru i olsem: Em mani bilong husat tru we honorabel memba i laik yusim long laik bilong en? Em i no mani bilong publik? Na sapos em i publik mani, (em mani we i no bilong memba), watpo na ol i laik yusim long laik bilong ol yet? Sapos OC i givim oda long pasim dispela mani, em nau, memba i ken tokaut long ol vota bilong em olsem em i no inap kirapim ol projek long ilekotret bikos Komisn i no larim em long kisim dispela mani.

pasim, aninit long Seksen 27(4). Memba i ken tok olsem Komisn i abrusim mak bilong pawa bilong em bikos i nogat as long givim oda aninit long Seksen 27(4).

Mipela i tok olsem Seksen 27(4) em ol i mas lusim i stap, long wane mi gat ol arapela rot i stap we ol memba i ken yusim long raunim dispela loa. Ol memba i ken larim Seksen 27(4) i stap olsem, tasol mekim lo long ol rot bilong wok we OC i mas bihainim long givim oda bilong em. Olsem, rot bilong mekim wok i ken tok olsem i mas i gat liklik hevi tru i stap long OC, sapos em i nogat evidens, OC i no inap long givim oda. Namba tu, i ken gat wanpela rot bilong mekim wok we sapos ol i kisim wanpela komplek, Komisn i mas toksave long memba insait long 14 de na bihain em i pinisim wok painimaut bilong em 30 de, na bihain toksave long ol memba long disisen bilong em, sapos i gat as long go het wantaim wok painimaut o nogat.

Mipela i wanbel wantaim tingting bilong ol memba bilong mipela olsem Komisn i save isi isi tumas long mekim wok painimaut, na em i save hatwok tru long sindaun na lukim Komisn i wok isi isi tumas. Yu no inap pasim wok bilong gavman olsem. Dispela poin i gat as bilong en. Sampela taim OC i save kisim moa long tenpela yia bihain long em i kamap, OC i toksave olsem memba i no givim gut ol stori bilong mani em i kisim long Tresari. Dispela em i no gutpela.

Komisn i mas gat taim we em i mas mekim wok painimaut bilong em, na taim we em i ken toksave sapos memba bai kisim sas o nogat. Yu no inap holim ol memba i stap longpela taim we i nogat pinis bilong em.

Tasol mipela i tok olsem, na nau mipela i mas go bek long bikpela askim ya: Bai yumi rausim yet o slekim pawa bilong givim oda aninit long Seksen 27(4)? Mipela i bilip olsem bekim i mas strongpela NOGAT!

Mipela i mas larim Seksen 27(4) i stap na sanapim ol arapela rot bilong mekim wok bai Komisn i ken yusim pawa bilong em long givim oda hariap bai eksekutif gavman i ken karimaut gut ol projek bilong em.

Ol memba i wok go het na senisim tu Seksen 28(5) bilong Konstitusen. Seksen 28 i tok olsem wok bilong Lidasip Traibunal em i no ol wok bilong kot, tasol ol rul o astingting bilong netseral jastis, olsem na lida i kisim sas i ken kisim kot wantaim ol banis aninit long loa. Na Seksen i tok tu olsem ol memba i ken kisim kot aninit long Kriminal Koud. Dispela hap tok long seksen i min olsem bihain long memba i kisim mekimsave long Lidasip Traibunal, bikos em i paulim publik mani, em i ken kisim mekimsave tu aninit long Kriminal Koud bilong pasin stil o paulim mani.

Ol memba bilong mipela nau i laik senisim ol dispela na tok olsem ol bai kamapim narapela lo gen long tok olsem taim lida i kisim mekimsave aninit long Lidasip Koud, dispela lida i no inap long kisim mekimsave gen aninit long Kriminal Koud. Ol i tok Lidasip Traibunal kot bai antap moa long wanem ol arapela kot agensim lida aninit long wanem ol arapela loa i stap.

Long lukluk bilong mipela, dispela em i krangi olgeta. Kot bilong Lidasip Traibunal em ol "disiplinari" kot bikos ol i brukim Lidasip Koud. Em i stap bilong ol memba bilong mipela na ol arapela olsem ol hetmanmeri bilong ol gavman opis. Em i no wanpela lo bilong yusim long olgeta hap kona.

Sapos yu wanpela memba bilong wanpela ogenaissen olsem wanpela sosol o spot klab, i gat ol rul o koud ov kondak i stap we ol memba bilong klab i mas bihainim, na we memba i brukim, i gat ol sas i stap bilong sasim memba i asua, na ol i ken rausim memba long klab.

Na sapos dispela memba ol i rausim long klab i paitim narapela memba long klab yet? Em nau, rausim bilong memba long klab, bikos em i brukim ol loa bilong klab, em bilong mekimsave bilong em olsem memba bilong klab. Tasol narapela memba husat i kisim hevi long em i paitim em, i ken sasim dispela memba long paitim em na kisim em i go long Distrik Kot. Na sapos kot i painim olsem em i rong, em i ken go kalabus. Na i nogat luksave tru long klab i rausim em olsem memba. Loa we i karamapim yumi olgeta olsem ol manmeri, i mas stap yet. Olsem na kriminal loa i stap yet.

Nau ol memba i tok olsem sapos ol i kisim mekimsave long ol i brukim Lidasip Koud, ol i no inap long kisim mekimsave long Kriminal Kot long asua we Lidasip Koud i skelim pinis. Olsem tasol, sapos memba i stilim K10 milion ol i save kisim olgeta yia, na Ombudsman i sasim ol, na Lidasip Traibunal i tok ol i rong pinis, na ol i rausim ol long opis, dispela memba i no inap kisim sas aninit long Kriminal Koud long em i stil. Dispela em i no stret, na yumi noken larim em i kamap olsem. Husat man i tok em i lida, i noken mekim dispela kain senis long haitim em yet. Em i pasin nogut olgeta.

Na bikpela pawa bilong Lidasip Traibunal, em bilong tok lida i mas lusim opis na wok bilong em. Seksen 29 bilong Konstitusen i tok we Ombudsman Komisn i amamas olsem lida em i rong pinis long wok bilong em, Komisn i ken salim em i go long Publik Prosekuta long sasim lida long wanpela Lidasip Traibunal, na sapos Traibunal i painim olsem lida i asua, em i ken rausim em long wok. Dispela pawa bilong rausim em long wok, nau bai slek olgeta, we sapos ol i painim lida i asua, Traibunal bai mas skelim sapos dispela asua i bikpela o liklik tasol, na sapos rausim long wok em i gutpela mekimsave o nogat. Na sapos ol i ting asua bilong lida i no bikpela, ol i mas givim tok stia tasol long lida i mas bihainim stret Lidasip Koud.

Dispela senis long loa, i nogat as bilong em. Lidasip Traibunal i no nidim senis long Seksen 29 long mekim wok bilong em. Sapos em i painim lida i asua, Traibunal bai skelim sapos lida i mas kisim mekimsave na raus long opis, na ol tok skelim i kam bihainim bai tok sapos i gat as long rausim em long wok o nogat.

Olsem na Seksen 29 senis i nogat as bilong en.

Tasol bikpela guria tru i mas senis long Seksen 219 bilong Konstitusen we ol memba i go het long sanapim wanpela Palamen Komiti bilong was long wok bilong Ombudsman Komisn. Dispela nupela komiti ol i kolim "Ombudsman Komisn Komiti". Ol memba i kamapim wanpela nupela Seksen 219A. Wok bilong dispela komiti i stap aninit long dispela Seksen 219A(2) olsem:

- (2) Namba wan wok bilong Ombudsman Komisn Komiti em, ...
 - (a) long skelim na ripot long wanem ripot i kamap long komplek long wok administresen; na
 - (b) bilong was na sekim wanem kain wok, operesen na administresen bilong Ombudsman Komisn; na

(c) bilong painimaut long laik bilong en o bihainim komplek bilong manmeri i bungim hevi na ripot i go long palamen, wanem kain paul wok bilong -

- (i) Ombudsman Komisn ol wanpela Ombudsman Komisn; o
- (ii) gavman opis o wanpela opis o wokmanmeri bilong gavman opis, we wok bilong ol i no stret; na

(d) bilong salim wanpela asua i go long ol atoriti bilong mekim moa wok painimaut na givim sas na mekimsave bai ol i mas bihainim lo.

Ol dispela wok i stap wantaim Ombudsman Komisn pinis. I nogat as long ol memba bilong yumi long kamapim wanpela palamen komiti long karimaut ol wok we Ombudsman i ken mekim em yet. Watpo na i gat narapela komiti gen? Yumi ken luksave olsem Ombudsman Komisn bai lus olgeta nau bikos ol pawa bilong em i wok long lus na ol palamen memba i sindaunim ol yet long ples bilong daunim wok bilong Komisn.

Ol memba bilong yumi i mas luksave olsem insait long wok bilong ol olsem ol memba pipel i makim, ol i mas banisim gut laik na bilip bilong ol pipel i stap insait long Konstitusen.

Ol i holim publik opis makim pipel husat em ol tru tru lain bilong ol dispela samting. Em i sore tru long lukim ol memba bilong yumi i lus tingting long tok promis ol i mekim taim ol i go long palamen. Wanpela samting i stap ples klia nau em ol memba i wok long wokbung long banisim sindaun bilong ol olsem ol palamen memba na strongim ol yet long bosim laip bilong pipel na i nogat banis agensim ol paul pasin bilong ol.

Wantaim senis bilong ol long Seksen 27, ol i mekim ol yet i kamap ol "papa bilong laik bilong ol yet" long sait bilong yusim publik mani, na Ombudsman Komisn yet i no inap long pasim ol nau. Maski i gat evidens i stap olsem ol i wok paulim publik mani. Seksen 28 i senis bai ol memba bilong yumi i ken abrusim mekimsave sapos ol i kisim sas aninit long Lidasip Koud.

Na Seksen 219 bilong Konstitusen, ol i senisim bai ol memba i ken makim ol yet long bosim wok bilong Ombudsman Komisn.

Long tingting bilong mipela, dispela palamen em i no wanpela gutpela palamen liklik. Wanpela samting we i stap klia em laik bilong ol long kisim moa pawa na mani. Olgeta ol dispela senis em bilong holim ol i stap long pawa na yusim publik mani. Sapos mipela i no inap long stopim ol dispela lain long bagarapim konstitusen, orait, yumi noken lus tingting olsem ol dispela lain tasol bai ron gen long ileksen long 2012, na ol bai askim yumi long votim ol gen.

Wanwan long yumi husat bai vot long 2012 i noken lus tingting long samting ol dispela memba i mekim nau.

Yumi mas bung wantaim na noken larim ol i kamap gen long palamen. Yumi mas rausim ol long 2012.

Bai yumi makim ol gutpela lida o nogat long 2012. Em i no wanpela samting. Namba wan bikpela tingting bilong yumi, em bilong rausim ol dispela stilman long palamen long 2012.

Maladina must get his sticky fingers off the constitution

PART 3 - FINAL

WHEN one looks at the whole document we call our Constitution, one will appreciate that it is a very comprehensive document that goes into minute detail to spell out what the Founders of the Constitution wanted to achieve.

The Constitution has not left anything to chance.

The fundamental principle underlying the Constitution is protection of the individual citizen.

Thus, the whole document is like a book that belongs to the ordinary people.

We cannot equate our Constitution with the book we call the Holy Bible, but it is fair to say that after the Bible, we have the Constitution.

It is a document to be revered or respected.

Unfortunately, our members of parliament do not seem to appreciate that the Constitution is a document that must not only speak for us today, but it must also speak for generations to come.

Seen in that sense, we must appreciate that the Constitution was not designed as a document of convenience to help any group of people to facilitate their agenda. What the constitution has done is to provide for the basic framework for a fair society that recognises rights and freedoms of an individual citizen and simultaneously, it provides for establishment and maintenance of a workable system of government with the necessary checks and balances.

In essence, our Constitution is a living document that embodies the wishes and aspirations of the people in the hope that in time, we the people would be able to build a strong and just society that caters for the welfare of the people. **The Constitution was never meant as a working document for our members of parliament to do a "cut-and-paste job" to suit their greed for power and glory.**

It is our view the original Section 27 of the Constitution has a two-fold effect. Firstly, Section 27 is an attempt by the Constitution to protect us, the ordinary people against excesses of power by the Executive Arm of the Government. This Section recognises that we the people are like a child still sucking its mother's breasts when compared to the powers of the mother and in this case, the government. In other words, when it comes to the crunch, the mother can aban-

don us by either denying us milk, or worse still, dropping us into a public garbage can along the street and that way, allow us to die.

And in the like manner, the government can deprive us of the necessities like health, education, training and employment by diverting the funds elsewhere and generally pay no attention to our daily requirements. The end result shall be that we will be illiterate (like we are now) so that we will still live like our ancestors did, generations ago, except that in this case, we will not be living in our villages, but rather in squatter settlements like Tete, 2-Mile, Morata, Erima, and 8-Mile without water, power and all the necessities and our kids will be running around the settlement like dingoes or wild dogs.

The second effect of Section 27 is to assist our members of parliament in a way that keeps reminding them that they are in parliament not to help themselves, but to help the people so that if the OC has enough information to form the view that our member is trying to steal the K10 million he receives annually, then the Commission must issue a direction to the member under Section 27(4) that in the opinion of the Commission, the member is not acting within the spirit of the law governing leaders. In effect, this is all Section 27(4) of the Constitution does. The OC uses Section 27(4) to tell the members that in their view, he is not acting as a leader under the Constitution and other laws which demand that he must conduct himself honourably as a leader.

What the Maladina Amendment does is to water down or take away that power of the OC to give directions to our leaders to ensure compliance with Section 27 of the Constitution and other laws which require that they act like leaders and not help themselves against the interest of the people. What the Maladina Amendment is telling us is this: The OC must not stop us from stealing. If the Commission has evidence that we are stealing, then in that event, it must shut up and wait until we have completed the act of thieving (stealing), and only then, can the Commission move in and exercise its powers to get us prosecuted before the leadership tribunal for an offence and not before.

Okay, for the time being, let us accept the argument by our members that the OC should not stop them from stealing. Also assume

that the Commission sits back and watch them place that K10 million into their private back accounts and start withdrawing from ATM Machines by use of their bank cards, and let us also assume that within 90 days, the K10 million has disappeared so the member's bank account registers a zero balance. So we ask, what happens in that event?

It is our view that two things will happen.

Firstly, the K10 million will be gone and there are no projects within the electorate which benefited from that amount of money.

And if the Commission moves in and tries to prosecute, the member may resign as a leader in which case, the Commission cannot proceed any further with prosecuting the member because he is no longer a member of parliament and thus cannot be classified as a leader, so he avoids prosecution before the Leadership Tribunal.

Secondly, what happens to that K10 million? Sorry, it has all been used up by the honourable member to benefit himself, his family and his associates. And he even used ATM machines to do the withdrawing. And what benefit did the rest of the people from his/her constituency get? A fat zero. And what happens to the member? NOTHING!

Thus, we ask: if we have enough evidence that the honourable member is about to misuse the funds, is it not reasonable for the OC to move in and stop the member from such conduct. Why should the OC sit still and wait for the member to go ahead and misuse the funds first before the Commission is allowed to enforce the law against our leaders? It does not make sense.

It is our view that ultimately, the big question boils down to this: Whose money is it anyway that the honourable member wants to spend without any sense of accountability and transparency. Is it not public money? And if it is public money, (money that does not belong to the member), then why the push to spend it freely? If, in fact, the OC has issued directions to stop that money, then in that event the member can announce to his voters that he is unable to start any projects in the electorate because the Commission, in its wisdom, is not allowing it to happen. The member can even take the OC to court to force it to abandon its directions if there is no legal basis for

the issue of such direction under Section 27(4). The member can argue that the Commission is acting in excess of its powers because there is no case for a direction to be issued under Section 27(4).

What we are saying is that Section 27(4) should be left alone because there are other ways by which the members can get around the dictates of this law. What the members can do is to allow Section 27(4) to stand as it is, but legislate on the procedures that the OC must follow in order to exercise that power of giving directions. For instance, the procedural requirement could dictate that there be a minimum evidential burden placed on the OC so that without such evidence, the OC cannot give such direction or directions. Secondly, there may also be a procedural requirement that upon receipt of a complaint on oath, the Commission must notify the member within 14 days and then complete its investigation within 30 days for example, and then notify the member of its decision, namely, whether there is any merit to proceed further in the investigation.

We agree with the general sentiments expressed by our members that if the Commission undertakes its investigation at a snail's pace, then it is quite frustrating to sit and watch the Commission move at that pace. You cannot hold up government in that fashion. This is a reasonable argument and in fact, it is true that the OC takes years to complete its investigations and in some cases, the prosecution is mounted more than 10 years after the event has transpired like it is now happening in the case of the Chief where he is now told after 10 years that he has not filed certain annual returns on his batch of free money from the Treasury. In our view, this is unacceptable.

The Commission must be given a time-frame within which to conduct its investigation and a time-frame within which to recommend prosecution. You cannot hold the members to ransom for such a length of time that seems like forever.

However, having said that, let us get back to the main question: Should we still take away or water down the power of direction under Section 27(4)? We feel that the answer must still be an unequivocal NO! We ought to leave Section 27(4) alone but build in procedural requirements to get the Commission to exercise its powers to give



directions in a speedy manner to allow the executive government to implement its projects without any unnecessary delay.

Our members have also proceeded to amend Section 28 (5) of the Constitution. What Section 28 says is that the proceedings conducted by the Leadership Tribunal are not judicial proceedings but the rules or principles of natural justice shall apply so that the leader being prosecuted is afforded a fair trial or hearing with all the legal safeguards. And the Section goes further to provide that any proceedings against the member under any other law such as the Criminal Code. The effect of this provision is that even after the member is prosecuted before the Leadership Tribunal, let us say for misuse of public funds, he can also be charged under the Criminal Code for stealing or misappropriation.

What our members have done is to change all that by saying that they will pass another law to say that once a leader has been prosecuted under the Leadership Code, the same leader cannot be taken to court for the same matter such as a charge under the Criminal Code. The proceedings before the Leadership Tribunal shall operate as a bar against any other proceedings against the leader under any other law.

In our view, this is totally wrong. The Leadership Tribunal proceedings are, in essence, proceedings which are properly called "disciplinary" proceedings for breach of the Leadership Code. They only apply to our members and others like heads of statutory bodies and constitutional office holders. It is not the general law for general application across the board. If, for instance, you are a member of any organisation like a social or a sporting club, there are rules or a code of conduct which the members of that club must observe, and where a member is in breach, certain disciplinary charges may be laid against that offending member and he may even be sacked from that club.

Moa stori long pes 11



"Leaders in Superannuation"

THE NATIONAL SUPERANNUATION FUND OF PAPUA NEW GUINEA



Transparency



Accountability



Social Awareness



Reform



Integrity



Service



Text Bal



Commitment



Governance

"Working hard today, saving for tomorrow"

www.nasfund.com.pg



www.baha.com.pg
MEMBER

Call us on: Port Moresby 325 9522 * Alotau 641 0162 * Buka 973 9050 * Goroka 732 1089 * Kavieng 984 1599 * Kimbe 983 4114 * Kokopo 982 8730 * Lae 472 4633 * Madang 852 1835 * Mt. Hagen 542 3145 * Popondetta 329 7400 * Tabubil 548 8091 * Wewak 856 1010



WANTOK
KOMENTRI

Midia Fridom na gris bilong paul man

DISPELA wik bai lukim bikpela Midia Ekspo so we olgeta niuspepa, redio na televisen stesin bai soim aut ol wok ol i save mekim long givim nius long pablik.

Dispela bikpela so, we bai kirap long dispela Fraide na Sarere long Mosbi, bai kamap pastaim long Midia Fridom wik, na Intanesenel Midia Fridom De neks wik.

Tasol bai yumi amamas na makim wanem samting tru? I tru, PNG em i wanpela kantri we midia bilong em i gat bikpela fridom tru long telematim nius bai pablik i save.

Tasol baksait long ol nius we nau i save kamap insait long ol niuspepa, televisen na pairap long redio, i gat planti kain kain paul manmeri i stap husat i save long strong bilong midia, na husat i save grisim gut tru bai midia i haitim ol rong bilong ol.

Midia tasol i stap, na planti samting we i save stap na kamap long ples tudak, i save lukim lait.

Na tude, midia tasol i save givim strong long ol papagraun na lain manmeri husat i nogat maus bilong autim tingting na strongim sindaun bilong ol agensim planti ol tingting na wok paul bilong gavman na ol bikpela bisnis.

Sapos midia bilong yumi long PNG i fri olgeta, bai ol lida, gavman, bisnisman na husat kain paul manmeri i mas pret long em.

Save mak bilong ol niusmanmeri bilong yumi tude, i mas strong, na i mas antap moa long savemak bilong ol niusmanmeri bilong bipo.

Watpo na yumi glasim gut dispela kain ol tingting? Bikos tude, savemak bilong ol paul manmeri i winim tru savemak bilong ol stilmanmeri bilong bipo.

Bipo, paul pasin i bin i gat banis bilong em. Em i save ron i go kam long ples tudak, long ples we i nogat lait i go long en.

I no moa olsem tude.

Tude, paul pasin i wok kamap long ples kliia, insait long ol haus kot bilong yumi, insait long gavman bilong yumi, na insait long ol wasman opis bilong yumi olsem polis, CIS, na Ombudsman Komisin.

Ol lida man we mipela i bin givim bilip bilong mipela long ol, nau i wok long painim ol nupela rot bilong kisim moa pawa, na painim moa biknem.

Na tude, moa long ol dispela kain paul pasin, i wok long yusim na grisim gut tru ai bilong midia long mekim i kamap samting bilong ples graun tasol.

Sapos yumi gat tru tru midia fridom, sapos yumi gat ol gutpela niusmanmeri husat i no inap pundaun long pasin gris, husat i gat inap strong na save long lukim gris pasin i kamap, bai yumi inap strongim lukaut na sindaun bilong ol liklik manmeri.

Midia Fridom, i no fridom bilong ol niuspepa, redio na televisen tasol. Em i fridom bilong yupela wan wan manmeri bilong Papua Niugini. Sanap, opim maus, opim tingting, na sapotim.

Maladina must get his sticky fingers off the constitution

I kam long pes 10

Let us say that the member who is sacked from his club was found guilty of striking another member within club premises. The sacking the member got was for breaching club rules and the proceedings conducted by the club to find him guilty were disciplinary proceedings and he was found guilty for committing a disciplinary offence. The fellow who was assaulted can even go ahead and charge that member for assault and have him prosecuted before a District Court and if found guilty, he can be either fined or sent to jail. And the fact that the member was sacked from his club for that offence is totally irrelevant. The general law which applies to everybody must still apply, which means the criminal law is still applicable.

What our members have now done is to say that if they are prosecuted for breach of the Leadership Code, they cannot be prosecuted before the Criminal Court for any criminal offence in respect the same subject matter which the Leadership Tribunal has considered. Thus, if each of the members steal the K10 million they get annually and then they are prosecuted by the Ombudsman Commission and found guilty by the Leadership Tribunal and then sacked from office, the same member cannot be charged under the Criminal Code for stealing. This is totally wrong and should not be allowed. Nobody who calls himself a leader would do a thing like that. This is immoral to say the least.

And the main power of the Leadership Tribunal is to recommend dismissal of the leader from office. Section 29 of the Constitution provides that where the Ombudsman Commission is satisfied that a leader is guilty of misconduct in office, the Commission may refer

the matter to the Public Prosecutor to prosecute the leader before a Leadership Tribunal and if the Tribunal finds the leader guilty, it may recommend dismissal from office. This power of dismissal has now been watered down so that upon finding a leader guilty, the Tribunal must also determine if the matter was of a very serious nature and if dismissal is really warranted and where dismissal is not warranted, in that even the Tribunal can only recommend or give the leader directions to comply with the Leadership Code.

This is an unnecessary piece of amendment. The Leadership Tribunal does not need the amendment to Section 29 to perform its functions. Upon finding a leader guilty, the Tribunal will proceed to consider if the leader should be sacked or not and the deliberations that follow will consider if the offence is of a serious nature or not, and if dismissal is warranted or not. Thus, the Section 29 amendment is totally useless.

The biggest shock must be the amendment to Section 219 of the Constitution whereby the members have proceeded to establish a Parliamentary Committee to oversee the functions of the Ombudsman Commission. The new body is called "The Ombudsman Commission Committee". The members have created a new Section 219A. The functions of the Committee are spelt out under Section 219A(2) as follows:

- (2) The primary function of the Ombudsman Commission is, ...**
- (a) to consider and report on any report relating to an administrative complaint; and**
- (b) to monitor and review any aspect of the workings, functions, operations and administration of the Ombudsman Commission; and**

- (c) to investigate on its own initiative or on complaint by a person affected and report to parliament, any conduct on the part of -**
- (i) the Ombudsman Commission or an Ombudsman Commissioner; or**

- (ii) governmental body or an officer or employee of a governmental body,**

where the conduct is or may be wrong; and

- (d) to refer a matter to the appropriate authorities for further investigation and prosecution, disciplinary action and to ensure compliance with the laws, as the case may be.**

The above functions belong to the Ombudsman Commission. There is no rationale for our members to create a parliamentary committee to undertake functions which the Ombudsman can handle by itself. Why the duplicity? One can only assume that ultimately, the Ombudsman Commission will be abolished because its powers are now being withdrawn and the parliamentarians have now placed themselves in a position to undermine the workings of the Commission.

Our members must appreciate that in their capacity as elected members, they must protect the desires and the aspirations of the people as embodied in the Constitution.

They are trustees holding public office on behalf of the people who are the real beneficiaries. It is rather sad that our members have forgotten the oath they have sworn when they entered parliament. One thing that stands out very clearly now is that the members are all acting in concert to protect their status as parliamentarians and to empower themselves to run our lives without the nec-

essary protection against the abuses of power and governance.

With their amendment to Section 27, they have created themselves "masters of their own destiny" when it comes to spending public funds so even the Ombudsman Commission cannot stop them now, even if there is evidence that they are misusing public funds. Section 28 has been amended so that our members can avoid criminal liability if they are prosecuted under the Leadership Code. And finally, Section 219 of the Constitution has been amended so that the members have now appointed themselves to oversee the functions of the Ombudsman Commission.

In our view, this must be about the worst parliament since Independence. One thing that stands out very clearly is the greed for power and money. All these amendments are all about staying in power and spending public money. If we are unable to stop these guys violating our constitution, then we must not forget that these very people who have supported these amendments will be back on the road in the year 2012 begging us to re-elect them back to parliament.

Each one of us who will go to the polls in the 2012 must never forget what these guys have done.

We must make it our business to ensure that they are not returned to parliament. We must make it our business to throw them out in 2012.

Whether we elect better leaders in 2012 is irrelevant. Our primary goal in 2012 must be to throw these crooks, scoundrels and petty thieves out of parliament and that means the whole lot of them numbering 109 members.

SABINA.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

TOK PISIN NEWS
from Radio Australia
radioaustralia.net.au

Harm TOK PISIN long
Radio Australia
101.9FM
Port Moresby

Tok Pisin Service
6am - 7am 0000 7240 (442)
7pm - 9pm 5995; 6020; 9710; 1280 (kHz)

Praim Minista bilong Tailen tok lukaut long ol ret siot protesta

PRAIM Minista bilong Tailen i tok lukaut olsem ol atoriti bai kisim bek gen Senta bilong Bangkok long ol red siot protesta, tasol i no bin tokaut long wanem wik, de taim.

Em i bin toktok long wanpela bel isi we bilong stretim bilong hevi long toktok bilong em long televisen i go long olgeta pipel bilong kantri long Sande moning.

Ripot long Is Esia, Zoe Daniel, i ripot olsem, Praim Minista Abhisit Vejajjiva i stat pinis long toktok long Thai TV taim ol skrin i bin i go bilak na siknel bilong wanpela redio stesin i bin wok long brodkas dispela toktok i lus tu.

Praim Minista na ol ami bos bilong em i bin tokim kantri olsem ol bai traime long muvim ol protesta husat i stap long soping na bisnis distrik bilong Bangkok, tasol ol i no

nap tokaut long wanem taim bai ol i mekim dispela.

Ol Ret Sios protesta i tok, ol i gat pinis hait otksave olsem ami i bin plen long muv long Mande o Tunde dispela wik.

Mista Abhisit i tok, em bai no stap Praim Minista sapos em i no fiksime dispela problem.

Ol Siapan bai protes agensim Amerika long Okinawa

OL I TING olsem, samting olsem 100 tausen pipel bai go bung na protest antap long Okinawa Ailan bilong Japan i no laikim wanpela US eabes long Sande.

Ol i ting dispela protes bai stap klostu long Kadena Ea Bes, namba wan bikipela US military bes long Esia Pasifik rijen.

Tasol dispela protes bilong US Eabes Futenma.

Ol pipel i ogenaism o go pas long dispela protes i tok, gavana Hirokazu Nakaima na moa long 32 meya bai stap long en.

Aninit long dil ol i bin pasim wantaim Amerika, ol bai muvim

Futenma bes lusim hap i gat planti pipel na ol samting long en long Okinawa i go long wanpela nambis eria bilong ailan em i no bisi tumas.

Tasol Praim Minista bilong Japan, Yukio Hatoyama i statim wanpela wok bilong glasim gut gen dispela agrimen o dil, na i bin kamapim pinis hevi long wok bung bilong Japan na Amerika.

Planti tausen pipel i makim ANZAC De long Australia na Pasifik

PLANTI tausen pipel i bin makim ANZAC De long Australia na raun long rijen.

I bin gat tu ol sevis pastaim long san kamap long Gallipoli long Teki na long Villers-Bretneux long Frans bilong onarim ol dispela i bin pait long namba wan wol woa.

Na long Papua Niugini, samting olsem 250 Australia na Papua Niugini i bin makim ANZAC De antap long Kokoda Trek.

PNG niusman Liam Fox i ripot olsem, Isurava Memorial, i stap wanpela de wokabout long Kokoda, na i kamap wanpela

bikipela hap bilong planti ol Australia i go long ANZAC De.

Planti long ol pipel i stap bung i bin wokabout long sevenpela de o moa stat long sauten na i go antap long Kokoda Trek bilong stat long sevis pastaim long san i kamap.

Long dispela hap ol i bung long en long 1942 liklik namba bilong ol Australia soldia wantaim nogat gutpela saplai, i bin stap pait strong i go long ol soldia bilong Siapan.

Planti long o Alait soldia i bin winim ol medal long pait long hap winim ol arapela pait long Saut Pasifik long taim bilong Wol Woa 2.

Ol i bin kilim moa long 600 soldia long pait antap long Kokoda Trek.

NRL bilong Australia i toktok helpim disisen bilong em

NESENEL Ragbi Lig bilong Australia i tokaut helpim wanpela disisen bilong em long rausim olgeta kompetisen poin bilong Melbon Storm long dispela sisen.

Melbon Storm i pleim namba

wan gem bilong em long Sande nait, bihain long ol i bin autim olsem tim i bin brukim strongpela ol tambu long i noken peim ol pilala antap long ol mak ol i makim pinis long peim ol.

Bos bilong NRL, David Gallop, i tok Lig i no bin gat narapela tingting tasol bilong rausim ol poin bilong Melbon Storm.

Planti tausen pipel raun long Australia makim ANZAC De

PLANTI tausen pipel i makim ANZAC De raun long Australia, 95 yia bihain long ol soldia bilong Australia i bin go sua long Galipoli.

Ol Australia na Nu Silan i yusim ANZAC De bilong onarim pipel husat i bin pait makim ol nevi, eafos, na ami na ol am foses.

Ol i bin holim ol sevis long Galipoli long Teki na long Frans long tingim ol dispela i bin pait na dai long Fes Wol Woa.

Na Difens Minista bilong Australia, John Faulkner i raun i go lukim ol Australia soldia husat nau i wok i stap long Tarin Kowt long Afganistan.



STETMEN BILONG HON. MARK MAIPAKAI, MP. MINISTA BILONG LEBA NA INDUSTRIAL RILESINS LONG TAIM LONG MAKIM INTANESINOL OKUPESINOL SEFTI NA HELT DE, 28TH EPRIL 2010.

TUDE, PAPA NIUGINI OLSEM WANPELA MEMBA STET BILONG INTANESINOL LEBA OGENAISEN (ILO) I JOINIM OL NARAPELA KANTRI LONG WOL LONG LUKSAVE LONG ILO WOL DE LONG SEFTI NA HELT LONG WOK. LONG MAKIM DISPELA BIKPELA DE, I SOIM WOK BILONG GAVMAN BILONG YUMI LONG LUKSAVE OLSEM OLGETA MANMERI I GAT DISPELA RAIT LONG WOK WANTAIM FRIDOM, RISPEK NA SEKYURITI, NA DISPELA I GO WANTAIM GUT RAIT LONG STAP WOK LONG WANPELA SEIF NA PLES I GAT GUTPELA HELT I STAP LONG EN.

BIKPELA LUKSAVE I STAP OLSEM OL GUTPELA WOK I MAS STAP SEIF OLSEM WANPELA SEIF NA HELTI WOK FOS EM NARAPELA SAMTING TU WE SAVE STAP LONG LUKIM GUTPELA OL WOK I KAMAP LONG SAIT BILONG EKONOMIK NA SOSEL POLISI NA WANEM OL KONDISEN TU I MAS STAP LONG LUKIM NESINOL DEVELOPMEN IGO HET LONG BIHAIN TAIM.

PROMOSEN BILONG GUTPELA PLES BILONG WOK, SEIF NA GUTPELA HELT KONDISEN LONG PLES BILONG WOK EM WANPELA BIKPELA AS-TINGTING BILONG INTANESINOL LEBA OGENAISEN (ILO) LONG TAIM YET EM I STATIM WOK BILONG EN LONG 1919.

HET-TOK BILONG ILO KONSTITUSEN I SOIM OLSEM "GUTPELA WAS LONG OL WOKMAN MERI LONG SAIT BILONG SIK, NA BIRUA OL I PAINIM OL LONG PLES BILONG WOK" EM BIKPELA SAMTING LONG SAIT BILONG SOSEL JASTIS. DISPELA RAIT OL I GAT LONG WOK LONG SEIF NA GUTPELA HELTI WOK KONDISEN NA PLES OL I WOK LONG EN EM OL I STRONGIM GEN INSAIT LONG 1944 DEKLERESIN (TOKAUT) BILONG PHILEDELPHIA NA TU LONG ILO DEKLERESIN LONG SAIT LONG SOSEL JASTIS NA FEA GLOBALAISESIN ILO I BIN KAMAPIM WANPELA BIKPELA INTANESINOL BODI LONG DEVELOPMEN O KAMAPIM WANPELA ERIA LONG SAIT BILONG OKUPESINOL SEFTI NA HELT (OSH). PLANTI OL WOK BILONG ILO OLSEM OL PIKININI LEBA (CHILD LABOUR), INFOMAL EKONOMI, WOK NAMEL LONG OL MAN NA MERI, SEKIM OL LEBA WOK, NA OL WAN WAN SEKTA BILONG OL EKONOMIK WOK, HIV/AIDS NA WOKABOUT BILONG OL MANMERI LONG NARAPELA PLES I STAP WANTAIM WANPELA SEKSIN BILONG WOK BILONG OSH. DISPELA I KARAMAPIM OL BIKPELA WOK BILONG TRIPELA BIKPELA ERIA.

OL BIKPELA HEVI WE I SAVE STAP LONG SAIT BILONG WOK EM OL BIRUA I KAMAP LONG WOK TAIM NA OL WOKMAN MERI I PAINIM SIK OLSEM NA WOK BILONG OSH I SAVE KAMAUT PLES-KLIA TAIM YU LUKLUK LONG WANEM SAMTING I KAMAP LONG NARAPELA PLES LONG WOK, INSAIT LONG OL NAMBA I KAM LONG ILO LONG OL HEVI INSAIT LONG 2003 EM SAMTING OLSEM 358,000 LAIN I BIN BUNGIM BIKPELA BIRUA NA 337 MILIEN I PAINIM LIKLIK BIRUA TASOL LONG WOK-PLES BILONG OL NA 1.95 MILIEN WOKMAN MERI I BIN DAI LONG SIK OL I KISIM LONG WOK-PLES BILONG OL. OL LAIN HUSATI I BIN DAI LONG OL STRONGPELA MARASIN OL SAVE YUSIM LONG WOK-PLES I SANAP OLSEM 651,000. TASOL MONI MAK BILONG OL BIRUA NA HEVI NA DAI I KAMAP LONG WOK-PLES EM NOGAT MONI MAK I KEN LUKSAVE LONG EN. MONI-MAK LONG DISPELA KAIN BIRUA EM I BIKPELA TRU LONG NESINOL NA INTANESINOL LEVEL. LONG TAIM LONG LUKLUK IGO INSAIT LONG SAIT BILONG KOMPENSESIN, LUSIM TAIM LONG WOK, SKELIM SAIT BILONG WOK PRODAKSN, TRENING NA KISIM TRENING GEN, KOS BILONG KISIM MARASIN, OL SOSEL HELPIM NA OL NARAPELA I LUKIM OLSEM DISPELA OL HEVI O SAMTING I LUS I STAP SAMTING OLSEM 5% LONG GLOBAL O INTANESINOL GROS NESINOL PRODAK (GNP).

INSAIT LONG PAPA NIUGINI, NAMBA BILONG OL BIRUA WE I KAMAP LONG WOK-PLES LONG YIA 2009 I SANAP OLSEM 3600 (OL BIRUA OL RIPOT LONG EN). NA LONG DISPELA 110-PELA I BIN KAMAPIM DAI, 400-PELA INO BIKPELA BIRUA TUMAS, NA 900 WOKMAN MERI I BUNGIM SIK LONG WOK-PLES BILONG OL. DISPELA NAMBA I KAM DAUN LONG NAMBA BILONG 2008 BIKOS MOA AWEANES I BIN KAMAP LONG SEFTI NA HELT LONG PLANTI WOK-PLES LONG KANTRI.

LONG TAIM PAPA NIUGINI I BIN KISIM NA BIHAINIM DISPELA ILO DEKLERESIN NA OL BIKPELA LO BILONG EN I STRONGIM SAIT BILONG RAITS BILONG OL WOKMAN MERI LONG WOK-PLES NA I STAP LONG LUKIM OLSEM PROMOSEN BILONG 4-PELA BIKPELA AS-TINGTING BILONG EN LONG SAIT BILONG KARIMAUT OL GUTPELA WOK-PLES LONG PNG KANTRI PROGRAM, WANPELA BILONG EN EM SOSEL LUKAUTIM (PROTECTION) BILONG OLGETA WOKMAN MERI LONG FOMAL NA INFOMAL SEKTA. PNG I BIHAIN TU OLGETA 8-PELA HUMAN RAIT KONVENSEN LO WE I LUKSAVE OLSEM OLGETA NESINOL LEBA LO BAI I GAT RIVIU I SENIS I KAMAP LONG EN BIHAIN NA TU LONG BIHAINIM OL INTANESINOL LEBA STENDET.

RAIT LONG LAIP EM BIKPELA RAIT BILONG OLGETA WOKMAN MERI LONG OLGETA YIA. TASOL PLANTI OL WOKMAN MERI INO SAVE KISIM DISPELA KAIN RAIT LONG SAIT BILONG OL BIRUA NA OL SIK OL I PAINIM LONG WOK-PLES. OKUPESINOL HELT NA SEFTI LONG WOKPLES EM WANPELA BIKPELA SAMTING EM OL GUTPELA LAIN LONG ATORITI OLSEM OL EMPLOYA NA WOKA OGENAISEN NA OL LAIN I STAP WANTAIM OL I MAS BIHAINIM LONG GIVIM GUTPELA PASIN LONG LUKAUTIM SEFTI NA HELT BILONG OL WOKMAN MERI NA TU WOK KONDISEN NA PLES OL I WOK LONG EN.

OL STRONGPELA NA GUTPELA ROT LONG STOPIM OL BIRUA I KAMAP LONG WOK PLES NA TU OL SIK LONG KAMAP LONG WOKPLES SAVE STAT LONG ENTAPRAIS LEVEL. ROT LONG BANISIM OL DISPELA BIRUA I MAS GAT WOK-BUNG I KAM LONG SAIT BILONG GAVMAN, OL EMPLOYA NA OL WOKA OGENAISEN. OL WOK OGENAISEN NA SAIT BILONG KARIMAUT WOK NA LONG SEKIM OL WOK EM OL BIPELA TULS O SAMTING TRU LONG PROMOTIM HELT NA PASIN BILONG SEFTI.

DIPATMEN BILONG LEBA NA INDUSTRIAL RILESINS EM BIKPELA NESINOL EJENSI EM WOK BILONG EM I STAP BIHAINIM OL KAIN KAIN OL LEBA LO I STAP LONG LUKAUTIM WANEM OL LO I STAP LONG LOKAL NA INTANESINOL LEVEL LONG PROMOTIM GUTPELA PASIN LONG SAIT BILONG SEFTI NA HELT NA WOK LONG REDIM OLGETA INFOMESIN LONG SAIT BILONG HELT NA SEFTI LONG WOK PLES.

DIPATMEN BILONG LEBA NA INDUSTRIAL RILESINS I LUKSAVE LONG BIKPELA SAMTING OKUPESINOL SEFTI NA HELT LONG WOK-PLES I KEN KAMAPIM NA EM I KAMAPIM OSH DIVISEN OLSEM WANPELA PROGRAM BILONG EM YET INSAIT LONG NUPELA SENIS I KAMP LONG DIPATMEN LONG LUKIM OL I KISIM OL GUTPELA SAVEMAN LONG WOK LONG KONTROLIM NA KARIMAUT WOK BILONG OSH LO INSAIT LONG PNG.

WANKAIN TU, WANPELA NESINOL OKUPESINOL SEFTI NA HELT POLISI BILONG PAPA NIUGINI I STAP PINIS NA GAVMAN INSAIT LONG DIPATMEN BILONG LEBA NA INDUSTRIAL RILESINS BAI LUKLUK LONG OSH BIL WANTAIM SAMPELA TINGTING LONG BUNGIM OFIS BILONG WOKAS KOMPENSESIN (OWCO NA OKUPESINOL SEFTI NA HELT PROGRAM (OSH)). DISPELA BAI GIVIM GUTPELA INSTITUSINOL NA TU PUTIM LO LONG KARIMAUT OL MENESMEN BILONG WOK-PLES (OCCUPATIONAL) SEFTI NA OL HEVI BILONG WOK LONG OL WOK-PLES.

LONG MAKIM DISPELA BIKPELA DE BILONG ILO INTANESINOL DE BILONG SEFTI NA HELT LONG WOK-PLES, MI ASKIM OLGETA SAVEMAN BILONG HELT NA SEFTI INSAIT LONG GAVMAN. OL EMPLOYA NA WOKA OGENAISEN NA OL LAIN I MAKIM OL LONG WOK BUNG WANTAIM NA BUNGIM OL TINGTING NA SAVE LONG LUKSAVE NA PROMOTIM WOK-PLES SEFTI KALSA WE I GAT OL VELIU LONG SAIT BILONG MENESMEN SISTEM NA WOK, OL GUTPELA TINGTING LONG WOK GUT NA KAMAPIM WANPELA SEIF NA HELTI WOK-PLES NA YUSIM NA STRONGIM TRAIPTAISIM NA SOSEL TOKTOK I GO KAM WANTAIM.

HON. MARK MAIPAKAI, MP
MINISTA BILONG LEBA NA INDUSTRIAL RILESINS



NEM: Abetnego Ifofo
 KRISMAS: 23 (meri)
 ADRES: CBC Church 125, Vanimo, Sandaun Province
 SAVE LAIKIM: Pilai soka, volibol, basket bol, harim musik, lukim TV, na raitim pas

NEM: Isaiah Waghi
 KRISMAS: 22 (man)
 ADRES: C/- Nason Waghi, Heala Plantation Division, P.O Box 26, Kimbe, WNBP
 SAVE LAIKIM: Raitim pas, ritim buk, pilai volibol, lukim TV, na mekim pani

NEM: Jeples Pongcal
 KRISMAS: 20 (man)
 ADRES: Magarima Provincial High School, P.O Box 33, Mendi
 SAVE LAIKIM: Pilai tas, basketbol, soka na raitim pas

NEM: Benson Mickey Haskas
 KRISMAS: 26 (man)
 ADRES: Towan Primary School, P.O Box 228, Mendi, SHP
 SAVE LAIKIM: Go lotu, ritim buk, raitim pas, stori, na tis long skul

NEM: Belinda Waleta
 KRISMAS: 24 (meri)
 ADRES: Catholic Mission, P.O Box 36, Aitape
 SAVE LAIKIM: Pilai spot, harim musik, go lotu, mekim pani, raitim pas, na senisim presen

NEM: Rona Waranumbo
 KRISMAS: 21 (meri)
 ADRESS: Bamesaka Academy, P.O Box 1171, Wewak, ESP.
 SAVE LAIKIM: Go lotu, ritim buk na kukim kaikai

NEM: Tita Moses
 KRISMAS: 17 (man)
 ADRES: Bema High School Private Mail Bag, Morobe Provins
 SAVE LAIKIM: ridim baibel, go lotu, pilai basket bol, volibol na soka

NEM: Jimmy Nisa
 KRISMAS: 19 (man)
 ADRES: Elo Primary School, P O Box 56, Vanimo Sandaun Provins
 SAVE LAIKIM: raitim pas, harim musik, pilai na mekim pren

NEM: Jack Kima
 KRISMAS: 21 (man)
 ADRES: Kapiura Plantation, Bilomi Division, P.O Box 451, Kimbe
 SAVE LAIKIM: Wokim pani, go lotu na wok

NEM: Moses Danny
 KRISMAS: 22 (man)
 ADRES: P.O Box 386, Eriku, Morobe Province
 SAVE LAIKIM: Go lotu, pilai soka, volibol, na mekim pani

Raun wantaim Kanage olgeta wik

'Mi karim 4-pela'



KANAGE em wanpela boi miks Goroka na Sepik, na em save stap long Kimbe Welpam Blok. Wanpela avinun em i wokabout raun na bungim wanpela meri Wes na meri ya askim em, yu marit tu? Kanage em singel man tasol em bekim olsem, yes mi marit! Na meri askim em, yu marit we? Na boi tok, mi marit long wanpela meri Madang. So meri askim em gen, yu-tupela gat hamas pikinini? Kanage kirap na tokim em, mitupela gat 7-pela pikinini, meri bilong mi karim 3-pela na mi karim 4-pela. Meri ya lap indai lo

tingting tasol na tokim Kanage, "Mi ting ol meri tasol save karim!" Kanage bekim na tok, em bipo. Nau ol man tu save karim. Meri ya painim hat lo toktok gen na em lus long Kanage.

Tamandi JK
 SKK Kimbe

Plis pasim gut

PAPA Kanage em bilong Lufa na em i wok wantaim Rodcliff Contractors em wanpela Lain Drein Save-man.

Wanpela taim san i strong tru na das bilong simen na rot tu i mekim em kisim bikpela bagarap. Avinun na baga pinis wok na em tingting long waswas, olsem na em i hariap i go kamap long haus na taim em kamap long haus, em lukim ol pikinini pilai 7 bom long dua na mama sapim kaukau bilong avinun. Tasol sindaun bilong mama i krangi liklik na Papa Kanage i painim hat long tokim mama long sindaun gut. Em nau papa i kirap tasol na tokim mama, "kaikai bilong mi ya, plis pasim gut. Nogut flais putim kiau". Olgeta pikinini ai bilong ol i op na tok "dedi, kam mi kaikai". Mama nogat tok.

Papa pasim ai long mama na tok, "moning mi no kaikai. Mi go nating long wok na mi hangere pinis. Yupela no inap kaikai. Em ya yupela go painim flawa bols na kaikai". Taim olgeta pikinini tekof pinis, papa rausim lid bilong pot na hariap long kaikai bilong em nogut Junia bai askim long hap.

Degi Kola
 Goroka

Ol skwat!
 Salim ol gutpela Kanage tok pilai i kam long: Kanage Tok Pilai P.O. Box 1982, Boroko, NCD Port Moresby. Email: atolire@wantok.com.pg

Bikos long ol poroman (Peer Pressure") laip bilong mi i bagarap

Dia Laiplain,
Mi wanpela yangpela man i pinisim tasol Gret 8 i nogat wok na mi bin stap nating long komyuniti wantaim nogat tingting long mekim samting long laip bilong mi. Mi bihainim ol poroman o "peer group" na go insait long kriminel o bikhet wok na amamas i stap inap wanpela de, polis i kisim mi wantaim narapela tupela manki. Ol narapela i ronawe. Bulet o kares i abrusim mi na taim ol i tokim mi long slip long plua, ol i pinisim mi. Mi blekaut olgeta inap mi kirap long imejensi wod bilong haus sik. Ol i was long bet mi slip long en inap mi orait na ol i putim mi go long haus kalabus. Mi kisim bikpela hevi na bagarap na nogat mari-mari long ol loman. Mi stap long haus kalabus long 6-pela yia wantaim hatwok. I no longtaim mi kamaut long kalabus na mi no laik go bek gen long sem setelmen we ol "peer group" mi save raun wantaim na mekim trabel i stap long en.

Bai mi mekim wanem? Plis, inap yupela i helpim mi?

REGRETING

Dia Pren,
 I no long taim yu kamaut long



haus kalabus bikos i bin go insait long kriminel o raskol pasin wok long wanem yu nogat samting long mekim na yu ken lusim tingting long ol bikhet pasin. Yu bin inapim skul long Gret 8. Tasol yu laki bikos planti lain long ples i no save go long skul bikos long ol kain hevi na nogat famili sapot. Tasol olsem yu bin lukim, i gutpela long mekim sampela gutpela samting wantaim save yu bin kisim i go long Gret 8 level. Yu ken painim wok, go insait long ol sios ektiviti, ol yut program na helpim famili we i ken sapotim yu long skruim skul bilong yu. Na o no gutpela long sindaun nating wantaim nogat tingting long bihain taim bilong yu. Pren, em i gutpela long stap na toktok wantaim ol lain i save gat gutpela tingting na mekim ol gutpela samting. Bai yu senis. I moabeta long noken bihainim ol poroman i no gutpela. Planti yangpela pipel tude yu lukim i wok em ol i bin skul inap long Gret 8 level olsem yu, tasol ol i mekim gut long ol wok bi-

long ol i stap. Ol i no lusim ol setelmen ples ol i stap long en tasol ol i mekim ol gitpela samting. Long stap gut na bihainim gutpela laipstail na i no go insait long ol bikhet pasin, em i gutpela long mekim samting we i

gutpela bai i kamapim gutpela kaikai long developim gut sait bilong bodi na spirit bilong yu.

Mi Poroman bilong yu

LAIPLAIN

Painim Tok! Raitim daun wanem pani samting yu ting i gutpela insait long babol long poto...

Salim Plis Kol Mi em, *126 yah!

No mami! *127# yah!

Paol paol stap! Mobail bai lok stret!

BAI YU WINIM WANPELA WANTOK T-SIOT O LAPLAP!
 Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Wina bilong dispela kompetisen em: Hazel Sakail, P.O. box 950 Wewak, ESP
 Mobail: 9761 72 28/ 729 5845



Program bilong Wanwan De

Mande - Fraide

6am - 10am - Sankamap show - Host: K.A.S.T
 6:15am - Komuniti Notis Bod
 6:30am - Nius Hetlain / Bondei grtings
 Trukai Rais - GES FAIA KOMPETISEN
 6:45am - Nuspepa Hetlain
 7:00am - Major Nius Bulletin - YUMIFM Nius Senta
 7:15am - Toktok sapotim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN

9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Conf'd - Lukauti yu yet - Helt toktok
 11:30am - Nius Hetlain b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fonde) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta

3:10pm - Avinun cruz
 4:00pm - Nius - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hetlain
 4:45pm - YUMI PAINIM WOK Segment
 5:00pm - MAJOR Nius BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR Nius BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipin Kampani long ol nait shift.

Weekend Shift - Saturday & Sunday
 6:00am - 11:00am - Wilen Sanrais
 6:30am - Komuniti Notis Bod - Bondei grtings
 7am - 9am - Wilen Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Tumer (KAS.T) Anifeae - Team Leader / Program Director
 Angra KENNEDY - Senior Announcer
 Sinimil (Vaviessie) Philipo - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM

HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Mama Graun
 8.15PM Musik/Spots
 8.30PM NILUS
 8.40PM Helt Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Mama Graun
 8.15PM Musik/Spots
 8.30PM NILUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Focus
 8.15PM Musik/Spots
 8.30PM NILUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Youth
 8.15PM Musik/Spots
 8.30PM NILUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Wantok
 8.15PM Musik
 8.30PM NILUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long W'ik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru...

'Em rong bilong mi yet'

Nicky Bernard i raitim

DISPELA toktok em bai yu lukim long kava bilong wanpela DVD muvi piksa ol i mekim hia long Papua Niugini yet.

Emn i kamaut longpela taim i go pinis, tasol skul em i givim i samting we i nogat pinis bilong en.

Em i stori long wanpela sumatin meri, papamama bilong em i salim em i go long wanpela hai skul long taun. Tasol taim em i stap skul yet, em i kisim dispela sik nogut, sik HIV, na em i lusim skul na i go bek long ples.

Papa bilong dispela skul meri em i wanpela kaunsol o bikman long ples.

Taim em i harim olsem pikinini meri bilong em i sik, na i kam bek long ples, em i ting olsem sampela kain liklik sik tasol i holim pikinini bilong em. Tasol bihain, em i painimaut olsem pikinini meri bilong em i kisim HIV, na dispela i mekim na em i rausim pikinini meri bilong em long haus na putim em long wanpela haus gaden, long wanem em i sem long kisim nem nogut long pikinini meri bilong em.

Dispela DVD i no stori tasol long dispela sik HIV.

Sapos yu lukluk, na skelim gut, em bai stori moa long sindaun bilong yumi long ples, wei yumi papamama i save lukautim ol pikinini bilong yumi, na ol pikinini bilong ples save kam long taun long skul ol i no save tingim pasin bilong ples, hariap tru ol i bihainim pasin bilong taun.

Yumi ol papamama tu i mas harim wari bilong ol pikinini, taim ol i askim long helpim ol long samting bilong skul. Yumi mas helpim long olgeta kain liklik samting bai ol i mas amamas na stap gut long skul.

Dispela piksa tu i soim pasin bilong tude, we ol pikinini i lusim papamama long ples na kam long taun skul, ol tingting olsem ol bai hait long papamama, taim hevi kisim ol, ol i go bek long papamama, na em bai rong bilong husat?

Piksa ya i soim taim pikinini meri i kisim sik

HIV, papa bilong em i kisim em i go haitim em long bik bus longwe long ples, liklik brata na mama i save wari tru long susa na pikinini meri, tasol papa i save pasim tupela.

Papa yet tu i painimaut olsem em tu i rong na em i mas lukautim pikinini bilong em, taim em i laik go kisim pikinini meri kam bek long haus, pikinini i lusim laip bilong em.

Yu save watpo na pikinini meri bilong em i lusim laip bilong em hariap? Yes, wari i bin kilim dispela skul meri na i no dispela sik em i


gat.

Olsem papamama mas save long rot long lukautim ol pikinini taim ol i stap long bikpela skul.

Dispela DVD em ol lain HG Media i mekim wantaim sapot bilong AusAID, ADRA, ATD, PNG CHURCH PARTNERSHIP na SDA.

Oi i bin mekim dispela piksa long Goroka na Madang.

Sapos yu laik lukim, yu ken go long ol dispela lain na kisim wanpela kopi bilong yu.



Kava bilong dispela DVD, 'Em Rong Bilong Mi Yet'.

EMTV Television Guide

THURSDAY, APRIL 29 2010

5.00AM G JOYCE MEYER Religious Program
 5.30AM G TODAY
 9.00AM EMTV PRIME TIME LINEUP
 CLASSROOM BROADCAST
 9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme
 2.59PM STATION OPEN
 KIDS KONA
 3.00PM G PIXEL PINKIE
 3.30PM G HI-5
 4.00PM G SNOBS
 4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G WHO WANTS TO BE A

MILLIONAIRE - HOT SEAT
 6.00PM G NATIONAL EMTV NEWS
 6.30PM G A CURRENT AFFAIR
 6.57PM NEWS UPDATE IN TOK PISIN
 7.00PM G SPORTS SCENE
 7.27PM G EMTV TOK SAVE
 7.30PM G RAIT MUSIK
 8.30PM G ELITE MUSIC ZONE
 9.00PM PG CUSTOMS
 Underbelly's Damien Walsh-Hawling presents the compelling return of Customs. Drug traffickers, people smugglers and international terrorists all caught red-handed by customs officers. (New Series)
 9.30PM M FOOTY SHOW (return for 2010)
 Join Paul "Fatty" Vautin and Andrew Voss for the 2010 Footy Show. The boys bring you all the latest news, views and gossip from the 2010 NRL competition and the wider sporting world in their own unique and humorous style.
 11.00PM G NATIONAL EMTV NEWS REPLAY
 11.30PM Australia Network

FRIDAY, APRIL 30 2010

4.59AM STATION OPEN

5.00AM G JOYCE MEYER: Enjoying Every Day Life TODAY
 5.30AM G EMTV PRIME TIME LINEUP
 CLASSROOM BROADCAST
 9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme
 2.59PM STATION OPEN
 KIDS KONA
 3.00PM G G2G: GOT TO GO (series return)
 3.30PM G HI-5
 4.00PM G SNOBS
 4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 WHO WANTS TO BE A MILLIONAIRE - HOT SEAT
 CRIME STOPPERS
 6.00PM G NATIONAL EMTV NEWS
 6.30PM G A CURRENT AFFAIR

7.00PM G IN MORESBY TONIGHT
 7.27PM EMTV TOK SAVE
 7.30PM G FRIDAY NIGHT FOOTBALL
 Eels v Bulldogs
 9.30PM G FRIDAY NIGHT LATE
 FOOTBALL - Broncos v Knights
 11.52PM G NATIONAL EMTV NEWS REPLAY
 12.00PM Australia Network

SATURDAY, ME 1 2010

11.59AM STATION OPEN
 12.00PM G SUPER LEAGUE
 Hull FC v Wakefield
 2.00PM G SUPER 14:
 Highlanders v Waratahs
 4.00PM G TOTAL RUGBY
 4.30PM G PNG NATIONAL
 GAME FISHING - Catch all the highlights of the biggest national sporting event of the year in PNG - the 35th GFA PNG National Game Fishing Title held in Lae recently.
 5.30PM G MXTV
 6.00PM G NATIONAL EMTV NEWS
 6.30PM PG AUSTRALIA'S FUNNIEST
 7.35PM G SUPER 14

Brumbies v Reds
 9.30PM EMTV TOK SAVE
 9.35PM PG HEY HEY IT'S SATURDAY
 For three decades, Hey Hey was Australia's favourite entertainment programme, amassing almost 30 Logie Awards along the way. Following the enormously successful reunion shows last year, a brand new series is set to burst on to our television screens in 2010. Host Daryl Somers will bring together the gang once more and present all your favourite segments, including Red Faces and Celebrity Heads, as well as a stellar line-up of local and international guests. Starring John Blackman, Red Symons, Russell Gilbert, Wilbur Wilde, Livinia Nixon, Ossie Ostrich and Plucka Duck. (Series return)
 11.20PM PG ELITE MUSIC ZONE
 11.40PM G N/EMTV NEWS REPLAY
 11.30PM Australia Network

SUNDAY, ME 2 2010

6.29AM STATION OPEN
 6.30AM G IT IS WRITTEN:
 7.00AM G HILLSONG
 7.30AM Australia Network

TORO



BIABIA



KANAGE



TOKWIN

Potts bai pairap yet

Sampela tok-baksait i bin kamap long musikman Patti Potts Doi long nupela album em wantaim Tolai musik man ya Leonard Kania i rekotim. Tasol em ol liklik lain tasol i bin mekim toktok. Tru tumas olsem planti lain save laikim stret stail na wei Potts save bilasim gut tru ol musik em rekotim. Musik bilong Potts save kirapim filings na soim tru stail bilong PNG musik em planti musik atis long Saut Pasifik save mangalim stret. Stap wantaim yu yet Tarito.

Pablik resis long baim

Kapris CD

Planti toktok i wok long kamap long strit long Mosbi olsem CD bilong William Kapris we em i tokaut long nem bilong ol Memba bilong Palamen husat i stap insait long ol bikpela stil pasin long Benk long Kerema na Madang. Ating planti pipel i save pinis long nem bilong husat ol MP em Kapris yet i kolim nem bilong ol pinis. Hau bai yu save?

Wantok Niuspepa em bilong PNG stret

Wanpela ofisa bilong wanpela MP bilong Momase rijon i tok olsem em ino bilip tumas long strong bilong Wantok Niuspepa long Vanimo. Dispela

man em bilong Papua na turangu ino bin raun igo long Niugini sait yet. Yes long Niugini sait, ol lapun long ples, ol yangpela na tu ol pikinini save laikim tru Wantok Niuspepa. Em save givim ol stori we planti pipel long PNG save ridim na save gut long tok-ples ol yet i save gut tru long en.

Bikpela hevi stat long Ramu-Madang Haiwe

Bikpela sore tru i mas go long ol lain husat save yusim Ramu-Madang Haiwe. Bikpela graun bruk klostu long Kawawar maket em bikpela hevi tru long sait bilong trenspot. Moabeta, Gavman na Woks Dipatmen lukluk moa igo insait long dispela hevi.

Tokwin Tasol...

Word search grid with letters arranged in a 10x10 pattern.

PAZINIM OL DISPELA TOKTOK BILONG HAUS SIK:

Table with 5 columns and 4 rows listing words: DOKTA, MARASIN, OPERESIN, AUTPESEN, NES, NIDEL, DRIP, SKEL, SIK BET, TIETA, HELTBUK, GLAS, MALARIA, SUT, WOD, EKSPREI, KUS, BLUT, MAMA KARIM, BANIS.

5x5 grid for a puzzle with numbers in some cells.

9x9 grid for a puzzle with numbers in some cells.

Ansa bilong las wik Sudoku

Ansa bilong las wik Pasol

Word search grid with letters arranged in a 10x10 pattern.

EMTV Television Guide

Television schedule table with columns for time, station, program name, and details. Includes programs like 'WIDE WORLD OF SPORTS', 'SUNDAY FOOTY SHOW', 'WWE AFTERBURN', 'SUPER LEAGUE', 'THE REUNION', 'SURVIVOR: SAMOA', 'JOYCE MEYER Religious Program', 'THE PYRAMID', 'THE SHAK', 'EMTV TOK SAVE', 'HOT SOURCE', 'EMTV NEWS UPDATE', 'WHO WANTS TO BE A MILLIONAIRE - HOT SEAT', 'CRIME STOPPERS', 'NATIONAL EMTV NEWS', 'A CURRENT AFFAIR', 'TOK PIKSA', 'EMTV TOK SAVE', '20 TO 1: "Outrageous Rockstar"', 'KINGAL MINISTRIES', 'Moving To the Next Level Religious program SUPER LEAGUE', 'Bulls v Crusaders NATIONAL EMTV NEWS REPLAY', 'Australia Network', 'TUESDAY, ME 4 2010', 'WEDNESDAY, ME 5 2010', 'WHO WANTS TO BE A MILLIONAIRE - HOT SEAT', 'CRIME STOPPERS', 'NATIONAL EMTV NEWS', 'A CURRENT AFFAIR', 'NEWS UPDATE IN TOK PISIN', 'THE WORLD AROUND US: The Three Gorges Dam Project - A Journey Toward 21st Century China', 'The Three Gorges Dam Project is a hydroelectric river dam that spans the Yangtze River in Sandouping, Yichang, Hubei, China. It is the world's largest electricity generating plant of any kind.', 'ROBINSON CRUSOE', 'WEDNESDAY NIGHT MOVIE: ANGER MANAGEMENT (2003) Comedy/Drama/Romance - Sandler plays a businessman who is wrongly sentenced to an anger-management program, where he meets an aggressive instructor. Stars: Adam Sandler, Jack Nicholson.', 'NATIONAL EMTV NEWS REPLAY', 'Australia Network'.



TOKTOK PRAIM MINISTA

**RT. HON. GREN SIF
SIR MICHAEL SOMARE, GCL GCMG CH CF KStJ,
I GIVIM LONG AUCKLAND YUNIVESITI**



“Glasm bilong mi yet long ol Rijinol Developmen”

Tok i go Pas

Taim mi kisim toksave olsem sampela taim long ofisial program bilong mi bai mi givim toktok long dispela bikpela Yunivesiti, mi no bin save tumas olsem mi gat inap mak tru long dispela ona ol i givim mi.

Auckland Yunivesiti i kamapim planti lida bilong Nu Silan olsem Anand Satyanand, husat nau em Gavana Jenerol bilong Nu Silan, leit David Lange, husat em foma Praim Minista bilong Nu Silan, Hon. Phil Goff, Lida bilong Oposisen na Dame Sian Elias, nau em Sif Jastis bilong Nu Silan.

Na tu, gutpela pren bilong mi, foma Praim Minista bilong Nu Silan na nau yet Edministrata bilong UNDP, Ms Helen Clark, husat em strongpela sapota bilong rijinol wok-bung wantaim na bikpela pasin bilong serim risoses insait long Pasifik na nau yet Praim Minista bilong Samoa, Tuilaepa Sailele Malielegaoi em ol i studen long dispela Yunivesiti long pastaim.

Moa long en tu, mi save olsem Auckland Yunivesiti i bin lukautim planti ol wol lida husat i givim ol planti gutpela ol skol toktok long ol bikpela samting i kamap long wol.

Olsem na mi daunim mi yet na amamas tasol long kisim invitesin o singaut bilong yupela long givim dispela toktok long yupela ol gutpela lain institusen.

Olsem wanpela man husat i stap sampela taim, ol i bin askim mi long serim sampela tingting long sampela ol developmen we i kamap insait long rijon na wanem wok Papua Niugini i wokim long kamap bilong dispela nupela Pasifik.

Mi ken tokaut ples klia olsem Pasifik long tude em i narakain liklik long pastaim em nambawan taim tru mi go insait long rijinol politik long 1973.

Bailaterol Rilesins

Ol Gutpela man na meri, pastaim long mi go insait long wanem lukluk bilong em, larim mi tok tenkyu long gutpela rilesins o pasin bilong wok bung-wantaim we i stap namel long Papua Niugini na Nu Silan.

Nu Silan em wanpela gutpela na konstraktiv patna i go long Papua Niugini.

Dispela strongpela patnasip i karamapim bailetrol na multiletol koporesin insait long ol eria olsem human risos developmen, sekuriti, rot bilong daunim hevi bilong klaimet senis na solwara i solap, na tu ol plen long wok developmen bilong sasteinabol fiseris na forestry risoses.

Nu Silan i givim bikpela helpim long kamapim “Frens bilong PNG” Grup long sapotim PNG long sanap strong long taim ekonomi i bungim hevi long namel long ol 1990 Esia fainensol hevi.

Ofisial Developmen Helpim (Asistance) i go long PNG i kam gut na i gro go mak olsem NZ\$30 milien long wan wan yia na i lukluk i go long ol bikpela PNG Gavman prairiti eria (eria long mekim wok kamap).

Helpim Nu Silan i givim i go long bel-isi (peace process) long Bogenvil em bikpela tru; Endeavour Akod, Burnham Toktok na Lincoln Agrimen em ol histor long rot bilong bringim bel-isi (peace process) long Bogenvil.

Ol helpim long sait bilong developmen Nu Silan nau i gat long Bogenvil i gohet yet long strongim na bringim bel-isi na promotim wok long senisim na kamapim gutpela sindaun na kamapim gut gen komyuniti laip long Bogenvil.

Tred na invesmen rilesins namel long tupela kantri bilong yumi i gohet yet long gro long mak bilong en.

Papua Niugini em bikpela patna long tred i go long Nu Silan namel long ol narapela Pasifik ailan kantri. Tred namel long tupela yet i stap long mak olsem NZ\$250milien long wan wan yia.

Long karamapim olgeta dispela tok, mi ken tok olsem rilesins o wok-bung namel long PNG na Nu Silan i stap long gutpela mak tru na i ken gohet moa long nupela mak.

Raun bilong mi kam long hia em soim signal o sain olsem Gavman bilong mi i gat strongpela tingting long bringim dispela rilesinsap o pasin bilong wok-bung i go long narapela level.

Sapos moa gutpela menesmen na developmen i kamap, dispela rilesins i ken givim gutpela rot long moa strongpela rijinol koporesin na groa strong.

Oi Rijinol Developmen

Ol Gutpela man na meri, mi tok pinis pastaim,

olsem long nambawan taim tru mi kam insait long rijinol politikol eria, politikol, ekonomik na sosel sindaun bilong Pasifik rijon i narakain long wanem i kamap tude.

Mipela i bin gat liklik namba bilong ol indipenden kantri, liklik namba bilong ol rijinol institusen na tu liklik namba bilong ol pipel (population) long lukautim.

Long dispela taim, mipela i ken tok olsem sanap bilong mipela olsem indipenden kantri i strongim mipela na i developim nem bilong mipela. Long tude, planti ol Ailan Stet i sanap wantaim Australia na Nu Silan olsem sovereign indipenden nesin.

Em ples klia olsem, globalaisesin i min olsem ol kantri bilong dispela rijon nau i wok bung wantaim. Long wankain rot tu, ekonomi na ol fainensol institusen ino moa wok ol yet em i wok bung wantaim ol bikpela komyuniti long wol.



Dispela i kamapim moa nupela rot long bihainim na tu salens long ol kantri bilong yumi.

Ol developmen plen (stratejis) mipela i kisim long yusim na wanem ol polisi mipela laik long bihainim ino moa bihainim wanem samting mipela yet i laikim long kantri (domestic) na kantri yet i askim long en.

Ol i bihainim wanem samting wol i laikim na wanem ol developmen rot wol i go long en.

Olsem na, mi lukim olsem ol kantri long rijon, ol yet na tu ol wantaim ol narapela i mas lukluk gut gen long wanem rot ol i mekim samting na kamap wantaim gutpela rot long strongim ol wok long helpim gutpela sindaun long ol pipel bilong yumi.

Long dispela taim Pasifik Ailan Forum (PIF) i stap olsem gutpela rot long karim rijon bilong yumi i go fawat. Insait long Forum, mipela i kamapim strongpela pos bilong yumi olsem blok we ol narapela kantri long intanesinol komyuniti i ken luksave long en.

Pasifik Plen em ol lidas i luksave pinis olsem bluprin i putim mak long rijinol koporesin o pasin bilong wok bung wantaim. Dispela bikpela plen ino inap kamap sapos gutpela wok bung wantaim na pasin bilong serim tingting namel long PNG na Nu Silan.

Sampela gutpela wok-gohet i bin kamap long sampela ol eria we i stap insait long Plen. Yumi lukim Rijinol Ekonomik Intagretin wok em i gohet aninit long PICTA na PACER Plus.

Mipela olgeta i save olsem sapos bikpela maket i stap, na i bihainim gutpela isi rot long ol guds na gutpela leba wok em bai gutpela.

Tasol, olsem ol Gavman, mipela i givim lukluk long ol narakain samting long mipela yet long luksave long wanem wok mipela ino inap mekim long dispela join eksin. Mipela mas putim wantaim ol strong bilong mipela long kamapim moa gutpela wok-bung namel long mipela yet.

Mi ken tok olsem nogat gutpela wok ken kamap long rijinol ekonomik intagresin sapos yu laik lukluk na wok mipela yet.

RAMSI em wanpela gutpela rijinol wok-bung we sapot i mas go long en. Na rijon i lukim dispela na i givim gutpela sapot.

Long narapela sait tu, wankain wok em PNG i kamap long rijinol “Pis Kiping Fos (Peace Keeping Force)” we i bin kamap bihain long hevi long Vanuatu

na pastaim long Bogenvil hevi ino bin lukim wanpela gutpela lait. Long dispela taim em i luk olsem ol plen bilong moa wok-bung long sait bilong hevi bilong sekuriti i wok long stap long wan wan kantri ol yet na ino wok traime long kisim helpim long ol narapela.

RAMSI i mekim gutpela wok long bringim bek gutpela sindaun na tu atoriti bilong Gavman insait long Solomon Ailan. Dispela rijinol wok-bung, i gat gutpela as-tingting bilong en, tasol i gat sampela tingting krangki tu i kamap taim sampela insait long rijon i ting olsem narapela lain i go insait long dispela kantri na i mekim wok.

Dispela bel-hevi i ken kamap gen sapos nogut gutpela plen long goaut em ol ino stretim gut long nau yet.

Long sait bilong ekonomik hevi i kamap long Nauru, mipela olgeta i lukim wanem gutpela politikol disisen i ken kamapim. Nogat wanpela kain toktok ol i givim na olgeta lain i givim wanem helpim ol i ken givim long helpim dispela kantri insait long rijon.

Ol kantri long rijon i mas amamas long gutpela pasin bilong wok-bung long sait bilong sasteinabol risos menesmen o gutpela luksave long sait bilong risos menesmen. Long dispela taim we planti ol narapela hap bilong wol i wok long rausim planti ol fis bilong ol long solwara bilong ol na tu bagarapim ol bus o fores bilong ol, mipela insait long dispela rijon i gat yet ol dispela samting i stap yet.

Rijinol wok-bung o koporesin long sait bilong banisim yumi egensim hevi bilong Klaimet Senis na Solap long Solwara na lukluk long stretim ol salens long sait bilong banisim ol dispela hevi em i gutpela. Dispela ol gutpela wok-plen na wok bung namel long mipela yet i go aut tu long ol narapela kantri long lukim. Olgeta long mipela i tok strong long kisim gutpela helpim na luksave olsem ol liklik ailan stet.

Tok-lukaut olsem, planti kain kain tingting we i stap long ol gaidlain ino inap gutpela na ino inap bringim gutpela samting long sait bilong wok-bung o koporesin. Ol dispela samting i ken kamapim banis long sait bilong Gavman long mekim wok long bringim sevis i go long ol pipel. ROT LONG MEKIM EM BIKPELA SAMTING WANKAIN TU LONG WANEM SAMTING I KAMAP.



Wankain tu, ino gat helpim i kam long ol intanesinol komyuniti i go long ol papa bilong ol risoses long luksave long raits bilong ol long developmen i ken daunim gutpela tingting bilong ol long was gut na lukautim ol risoses bilong ol.

Larim mi tanim i go long tupela narapela developmen insait long rijon we yumi mas luksave long en.

Nambawan long ol i go wantaim pasin long ol yia i go pinis long PIF miting long vot na ol save stretim tok gut pastaim na wanbel long samting pastaim.

Dispela kain rot save kisim long-pela taim, tasol mi save laikim dispela rot long bung toktok gut pastaim bikos long dispela kain rot bai ino gat bel hevi i kamap bihain.

Namba tu i go wantaim dispela tingting bilong wanpela 'bikpela brata' pasin we i wok long go insait isi isi long sampela ol rijinol plen olsem 'gutpela' gavanens program. Wankain tu, olgeta gutpela tingting bai ino inap karim kaikai sapos ol lain husat i kisim helpim long sait bilong gavanens na lidasip i pilim olsem dispela program em ol kamap long ol narapela lain i ken putim ai o lukluk long wanem samting i kamap insait long kantri o bikpela birua long en tu em wanpela kain rot long senisim gavman.

PNG i bin kisim sampela ol strongpela toktok pinis pastaim long em i kisim Indipendens. Ol dispela i

gohet yet aninit long mak bilong korapsin o feil stet na ol narapela.

Mipela em wanpela kantri em i 35-pela krismas na mipela i wok hat yet long holim strong yuniti o pasin bilong bung-wantaim na mipela i amamas long pasin tumbuna bilong mipela. Mipela i plen long wanpela gutpela bihain-taim bilong pipel bilong mipela.

Mipela i laikim ol narapela frens insait long rijon i save gut long gro bilong mipela.

Tingting bilong mi tude em long kirapim ol gutpela tok-pait namel long ol politisen bilong mipela, ol saveman na tisa long yunivesiti na husat intares grup long lukim moa rijinol ekonomik wok bung wantaim (integration), moa strongpela na wok-bung we i gat pasin long rispekt i stap long en.

Long sait bilong Fiji, wari bilong mi i stap long ol pipel bilong Fiji na gutpela sindaun bilong ol (welfare). PNG bai stap yet na toktok wantaim Ami Gavman long Fiji.

Taim em Ami Gavman i kamapim em ino gutpela. Wantaim helpim bilong yumi, Fiji i ken painim rot i go fowat long putim pinis long ol hevi long sait bilong kalsa. Olsem na maski olsem Komonwelt na PIF i saspandim Fiji, mi laik tok amamas i go long Nu Silan na Australia long wok ol i mekim long toktok yet wantaim interim gavman na pipel bilong Fiji.

Wok bilong PNG insait long nupela Pasifik

Nau mi kam long wok bilong PNG insait long nupela Pasifik. Mi bin toktok pastaim long ol gutpela wok i kamap long sait bilong PNG we i go wantaim LNG developmen.

Komeselaisesin bilong ges risoses bilong mipela bai kamapim moa mani long kantri na tu bringim ap stendet bilong kantri na tu senisim PNG.

Aninit long nupela Pasifik Plen bilong mipela, em i bin kamap sampela yia pastaim long Pasifik Plen bilong Forum, mipela i bin tingim pastaim olsem PNG i stap long wanpela posisen we i ken givim developmen helpim insait long rijon bilong yumi.

Taim ol reveniu o mani Gavman i kisim long ol LNG Projek, PNG bai inap long mekim moa wok long givim developmen helpim i go long ol narapela Pasifik Ailan kantri.

Mipela i developim wanpela polisi frem-wok we i gat tupela hap wok bilong en: Em i putim ol mak long traime rausim ol O.D.A. i kam long PNG na long wankain taim tu em i lukluk long kamapim Developmen Asistens Program i go long ol liklik kantri.

Mi ken tokaut olsem planti ol lain bai mekim kain kain toktok long dispela. Tasol, mi ken tok stret long yupela olsem mi redi long dispela nupela wok bilong Papua Niugini.

Mi bilip olsem long taim mipela i helpim ol lain klostu long mipela o poroman i ken helpim ol long tred na tu strongim sait bilong gutpela sekuriti insait long rijon bilong yumi.

Long Pinisim Tok

Long pinisim tok, Pasifik rijon i wok long go insait long planti senis tru we i bringim kamap nupela na bikpela ol salens long ol kantri bilong yumi.

Em bai luk gut long ol kantri long rijon long lukluk moa long serim ol risoses na tu kamapim moa gutpela wok-bung wantaim namel long ol yet long stretim na lukluk long ol long ol dispela salens.

Yumi mas mekim wok wantaim.

Mipela i statim wok pinis bihainim dispela rot aninit long Pasifik Plen na wanem samting long kamap em long helpim yumi yet long karimaut wok bilong dispela Plen.

PICTA na PACER Plus rot em ol noken westim taim long en. Na yumi noken larim ol wok long noken kamap hariap.

Long politikol na sekuriti samting, ol dispela em moa wari i stap. Em bai moa gutpela long ol kantri insait long rijon long soim pasin bilong wok gut wantaim bel-isi na wok gut wantaim.

Em bai sevim gut intares bilong rijon bilong yumi long tingim olsem ROT LONG BIHAINIM EM BIKPELA SAMTING TU WANKAIN OLSEM OL AS-TINGTING BILONG WOK WANTAIM.

Papua Niugini i redi long mekim wok bilong en.

Tenkyu.

Nambawan Supa tenkyu long gavman peim mani bilong ol pablik sevan

GAVMAN bilong PNG i bin peim K40 milien long las wik Fraide olsem mani bilong ol lain wokmanmeri bilong Gavman i go long Nambawan Super.

Dispela mani em namba wan taim gavman i peim dispela mani go long ol.

Menesing Dairekta bilong Nambawan Super, Leon Buskens, i tok

tenkyu bilong long ol wokmanmeri bilong Treseri Dipatmen na Seketeri yet, Simon Tosali, husat i go het long bihainim wanem samting ol i mas mekim long peim mani em ol pablik sevan o wokmanmeri bilong gavman i mas peim putim i go long Nambawan Supa.

Stet long pastaim i peim K65 milien we i karamapim mekimsave

(penalty) intares na tu bekim bek dinau. Dispela K65 milien i makim wanem moni Nambawan Supa i bin peim aut taim e mi makim Stet igo long ol memba bilong Nambawan Supa, husat i bin lusim wok.

Mista Buskens i tokaut olsem "Dispela pasin long Stet i no putim mani long sait bilong helpim ol pablik sevan long givim i go long supa

fan i kamapim hevi long sait bilong ol dinau i stap.

Long bihain, mi laikim olsem dispela kain pasin i no ken kamap gen stat long dispela yia na bihain," Mista Buskens i tok.

Em i tok olsem asua bilong ol gavman dipatmen long putim mani i go long helpim ol wokman meri bilong en (pablik sevans) em wan-

pela bikpela asua tru aninit long Supaenuesin Ekt o Lo.

Dispela em bikos aninit long dispela lo, husat dipatmen i mas putim mani i go insait long helpim kontribusen bilong ol wokmanmeri insait long 14-pela de bilong ol i rausim long pei bilong wan wan wokman meri.

Trust Japanese Vehicles.com kam lukim ol kastoma long PNG

James Kila i raitim

WANPELA yus kar sels kampani bilong Japan we i save yusim intanet na feks long wokim bisnis bilong en wantaim ol kastoma long Papua Niugini i bin salim tupela wokman na meri bilong em i kam long kantri long bungim ol kastoma bilong en long dispela wik.

Dispela kampani bilong kantri Japan em Trust Japanese Vehicles.com.

Tupela woklain ol i bin salim i kam long bungim ol kastoma bilong ol long PNG em Yoko Takeichi, em wanpela meri husat save wok long Sels Dipatmen long Maketing Seksen na Juan Luis Martel, husat i save wok long Sels Dipatmen.

Dispela kampani bilong Japan i save salim planti ol gutpela yus kar long ol kastoma long PNG long gutpela prais.

Planti dispela ol yus kar em ol manmeri long Japan i save yusim pinis na putim long oksen na ol lain bilong Trust i save kisim na stretim gut gen

na salim long ol kastoma long planti hap bilong wol.

Long bai kar wantaim Trust, ol kastoma i ken yusim intanet o salim e-meil i go kam na tu long feks na bihain salim mani i go stret long Japan na ol lain bilong Trust bai salim kar bilong yu i kam. Prais bilong planti ol kar i kam long Japan em mani em daunbilo na tu ol i gat gutpela kwaliti.

Mis Yoko wantaim Mista Martel i tokaut olsem ol i save salim namel long 50 i go 60 ol yus kar bilong Japan i kam long PNG insait long wanpela mun tasol. Dispela em bikpela namba tru.

Mista Martel, husat i bin kam long PNG long sampela taim pinis i tokaut olsem planti ol kastoma husat i save baim ol kar yusim intanet o e-mail em ol lain i stap long ples olsem Lae, Madang, Rabaul, Kavieng na ol taun long Hailans rijen.

Trust Kampani i bin statim wok bilong en long Nagoya long Japan



MIPELA OLSEM: Yoko Tekeichi long fran na Juan Luis Martel na wanpela gutpela selsman bilong ol long PNG em John Kamp i givim stori long Wantok Niuspepa long Tunde. *Poto: James Kila*

long mun Disemba 1988 na i bin stat long saplaim wol maket long ol han draiv kar. Long mun No-

vemba 2004 bihain long planti kastoma ol i kisim na gutpela sels bilong ol, kampani i bin go insait long Tokyo Stok Eksens.

Dispela tupela wokman na meri bilong Trust i tokim Wantok Niuspepa olsem raun bilong ol i kam long PNG em long luksave long ol kastoma bilong ol na tu bungim

ol na lukim pes stret.

Moa long en tu ol i laik kirapim moa gutpela wok bung na bisnis wantaim ol kastomas long PNG.

Digicel na BeMobail givim inta-koneksin agrimen long ICCC

WANPELA seremoni i bin kamap long Mosbi long las wiken we i lukim gutpela mobail kampani, Digicel (PNG) wantaim bemobail i givim Dairek Intakoneksin Agrimen long Indipenden Konsuma na Kompetisen Komisn (ICCC).

Seketeri bilong Komunikesin na Infomesin, Henao Iduhu, i tokaut olsem dispela seremoni em bikpela samting tru long kamap na em i amamas long dispela tupela kampani i wanbel na mekim kain samting olsem.

Mista Iduhu i tok olsem nambawan samting em dispela Dairek Inta-koneksin Agrimen i rausim Telikom husat i holim dis-

pela agrimen long pastaim we ICCC i luksave long en. Long nau yet em wanpela Mobail igo long Mobail yet (M2M) inta-koneksin agrimen namel long Digicel na BeMobail.

Mista Iduhu i bin makim maus bilong Minista bilong Komunikesin na Infomesin, Patrick Tammur, husat ino bin stap long dispela seremoni bikos em i stap long ilektoret bilong em long Kokopo.

Mista Iduhu i tok olsem narpela gutpela samting long dispela dairek agrimen, em ol i pinisim olgeta pepa-wok long en long Sarere em long nupela kain pasin

long wok gut na go bikpela bikos pastaim tupela mobail kampanya save gat kros na bel-hevi long sait bilong inta-koneksin.

"Long dispela taim nau mi stap olsem namel-man insait long dispela kros igo kam, long fran long ICCC, Telikom na Pangtel. Tasol mi laik tokaut olsem Digicel na BeMobail yet i toktok i go kam long ol yet na ino askim narapela lain long lain o ICCC," Mista Iduhu i tok.

"Tasol ICCC i 'sanap redi tasol' long karimaut ol pawa bilong en long mekim lo na mi amamas olsem mipela ino go kamap long dispela," em i tok.

Em i tokaut tu olsem dispela kain gutpela pasin long wok em Digicel na Bemobail i mekim long toktok gut wantaim na pinisim gut dispela nupela agrimen i soim gutpela pasin bilong ol bikpela lain na tu i soim pasin bilong wokbung insait long telekomunesin industri long PNG.

Mista Iduhu i surikim tok bilong Minista Tammur long pastaim we minista i tok olsem olgeta lain mobail kampani i mas tok amamas namel long ol yet na tu luksave long intares bilong pablik long kamap wantaim dispela gutpela komosal tingting long wokbung.

Mista Iduhu i tokaut tu olsem rurel telekomunesin projek em dipatmen i wok long go het long kamapim bai opim moa bisnis wok long eria long sait bilong wokbung insait long industri.

"Long wok bilong mipela insait long Yunivesol Akses Sistem (UAS) aninit long NICTA mipela i laik bringim kamap moa projek insait long ol rurel eria long kantri," Em i tok.

Mista Iduhu i tok olsem Wol Benk bai putim moni long statim ol dispela wok taim NICTA i kirapim wok bilong en long kantri insait long dispela yia. Dispela projek bai kisim levi o mani long helpim wok bilong en.

Namba wan kakaruk kibung long Lae

Senior! Anzu i raitim

NESENEL Agrikalsa Risets Institut (NARI) i bin holim namba wan kibung bilong wok bilong ol kakaruk long Alan Quartermain Hall long Bubia ausait long Lae, Morobe Provins long las wik.

Han opis bilong Wol Poltri Saiens Asosiesen (WPSA-PNG) dispela bung ol i kolim "Smol poltri fam bilong strongim sindaun long ruel Papua Niugini."

Interim presiden bilong Asosiesen Janet Pandi i tok ol i holim dispela bung we i go wantaim jenerel kibung bilong asosiesen long dispela yia.

"Bikpela as tingting bilong dispela bung em long kamapim save long wok bilong kakaruk na long mekim risets na development wok long sait bilong kakaruk."

"Wantaim kamap bilong dispela kibung em i hop olsem ol



SEKIM GUT! WPSA-PNG Interim presiden Janet Pandi na Wandamu Palau bilong NARI i sekim wanpela de old pikinini kakaruk long taim bilong poltri risets long NARI, Labu i no longtaim i go pinis.

Photo: SENIORLANZU

HAC wok wantaim ol poroman long mekim kaukau risets

Soldier Buruka i raitim

HAILAN Agrikalsa Kolis (HAC) i amamas olsem em i wanpela hap we i wok long projek we em bai kamapim na givim aut Patojen Tes (PT) ol kain kain kaukau ol i kamapim.

Dispela tok orait bilong wokbung wantaim ol poroman bilong en bai lukim ol pos greduet setifeket sumatin long diploma bai mekim dispela risets long PT.

Kolis i tok kain wok i helpim ol sumtin long mekim wok na skelim ol samting taim ol i mekim wok long kaukau.

HAC, we Dipatmen bilong Agrikalsa nd Laipstok i lukautim klostu long Maunt Hagen i wok bung wantaim Nesanel Agrikalsa Risets Institute, Fres Produs Developmen Ejensi na Kwinsle Dipatmen bilong Praimeri Indastris na Piseries.

Australia Senta bilong Agrikalsa Risets (ACIAR) i helpim wantaim mani long kamapim dispela senta.

Ekting prinsipel, Mista Philip Senat na ekting sinia tisa long wok bilong kaikai na kopi samting, graun na risets, Nida Itaki i tok ol i amamas long dispela luksave gavman i givim long kamapim kain progrem long skul.

Ol itok dispela progrem i opim tingting bilong ol sumatin long mekim moa gutpela wok.

Dispela projek bai helpim ol poroman grup i painim olgeta gutpela samting long mekim wok bilong kaukau na ol arapela kain kaikai olsem.

Mista Itaki i tok ol pcd sumatin i wok long wanpela plen we ol i laik long mekim wanpela wok about i kam long NARI long Aiyura, Isten Hailans Provins na ol samting i stap long dispela institute.

Em i tok ol save i kamap long dispela risets em olgeta poroman grup bai kisim kaikai long em.

Traim risets we i kamap namel long PT na i no PT i soim ol lain husat i kisim PT i gutpela moa long No-PT.

Ol kaukau em ol bai traime long Sentral Kakamuga Ples Balus na Maunt Kuta.

toktok i kamap long dispela kibung bai helpim long kamap bilong ol disisen na polisi long wok bilong kakaruk," Mis Pandi i tok.

Pandi husat i sinia laipstok saintis wantaim NARI i tok kibung i kamap long ol oganaisa i kamapim sampela kain wokbung namel long ol memba bilong WPSA-PNG long wok bilong kakaruk.

Ol arapela samting asosiesen i hop long kamapim em long developim websait bilong brens na enuel o baienuel saitifiek kibung long wok bilong kakaruk long kantri.

I bin kamap namel long ol spika em Profesa Alan Quartermain bilong Yunivesiti bilong Nuturel Risoses na Envaironmen (UNRE), Dokta Gariba Danbaro bilong PNG Yunivesiti bilong Teknoloji, Dokta Workneh Avalew bilong Saut, Dokta Phil Glatz bilong Saut Australia Risets na Developmen Institut na ol arapela spika long Australia, Nu Silan na PNG.

Congratulation !! Lae Biscuit Co.,
for the Grand Opening of their new
Factory plant at Kamkumung Lae





Manufactured in PNG:

- Printed Polyethylene / Polypropylene Rewinds
- Printed & Plain Degradable Checkout Bags
- Printed & Plain Poly Bags / Baler Bags
- Printed & Plain Bread Bags
- Tear-off Bags
- Seedling Bags
- Garbage Bags
- Show Bags
- Coffee Film
- Poly Tubing
- Shrink Film
- Industrial & Building Films

TRADED:

- Catering Products
- Pallet Stretch Wrap
- Steel / PP Strapping & Accessories
- Fruit & Vegetable Bags
- Staples
- Packing Tapes
- Stationery Products
- Cleaning Products
- Blister / Bubble Wrap
- Food / Meat Film
- Meat / Foam Trays
- Printing Inks
- Paper Bags

• Quality & Service • On Hand • All Day • Every Day •

LAE
RIGEL ROAD, TARAKA,
P.O. Box 58, LAE, 411,
PAPUA NEW GUINEA
PHONE : (675) 475 7077
FAX : (675) 475 7493
cplae@colorpak.com.pg

PORT MORESBY
P.O. Box 1525,
BOROKO, NCD 111
PAPUA NEW GUINEA
PHONE : (675) 323 3644
FAX : (675) 323 5010
cppom@colorpak.com.pg

PROUDLY PNG MADE

FOR ALL YOUR PACKAGING NEEDS



WOKIM OLSEM: Wanpela sinia tisa, Mista Vela Koiara (soim han) i toktok long ol sumatin long wanem samting ol i mas mekim long gaden kaukau ausait long skul bilong o long Maunt Hagen. Poto: SOLDIER BURUKA



SOIM WE: Janet Palau bilong NARI i soim ol lain bilong ples long we bilong tanim plawa. Photo: SENIORLANZU

NRL SPOTS DRO RAUN 8 30 EPRIL - ME 2 2010

FRAIDE

Eels V^s Bulldogs
 Broncos V^s Knights

SANDE

Dragon V^s Sharks

* Sampela gem bai ol pilai;

Cowboys V^s Storm
 Rabbitohs V^s Sea Eagles
 Titans V^s Panthers
 Warriors V^s Raiders
 W/Tigers V^s Roosters

Cowboys wari long lusim Thurston

NORTH Queensland Cowboys i wok long wari long nogut ol i lusim namba wan pilaia bilong ol, Jonathan Thurston i go long ol arapela klap o long ragbi union.

Kontrak bilong Thurston bai pinis long pinis bilong dispela yia na ol Cowboys i laik winim bek laik em long pilai gen wantaim ol.

Menesa bilong Thurston, Sam Ayoub i wok long toktok wantaim Cowboys tasol long wankain taim narapela 5-pela NRL klap i soim laik long kisim Thurston.

Ragbi union klap bilong Frens (France), Biarritz tu i makim bikpela prais long kisim Thurston i go pilai wantaim ol.

Sif ekskyutiv opisa bilong Titans Peter Parr i tok ol i no save sapos ol bai winim bek o lusim Thurston tasol olgeta samting bai kamap klia bihain long ol i pinisim ol dispela toktok.

Ol Cowboys i givim tripela yia moa long Thurston wantaim \$500, 000 long wanwan yia wantaim narapela \$150, 000 i kam long narapela sponsa long wanwan yia tu.

Tasol dispela i no nap long mak i kam long ovasis.

Ol ripot i tok Biarritz i putim moa



BIKNEM: 5-pela NRL klap na wanpela ragbi union klap i laik baim Thurston long pilai wantaim ol.

long \$1milien long kisim Thurston i go, tasol Ayoub i tok ol toktok wantaim Cowboys i no pinis yet.

Em i tok, mani em i no wanpela samting tasol i stap long tingting bilong Thurston.

Sapos nogat, em i go pinis tasol namba wan tingting bilong Thurston em long stap bek long Townsville.

“Bikpela astingting em long traim na bungim dispela olgeta samting wantaim na traim long holim em i stap bek long hia tasol bai yumi lukim,” Ayoub i tok.

“Em i no isi long mekim dispela samting olsem na mipela i wok long kisim moa taim long mekim gut,” em i tok.

Raun 7 Poin Leda

Tim	W	L	B	P
1 Dragons	6	1	0	12
2 Panthers	5	2	0	10
3 Titans	5	2	0	10
4 Sea Eagles	4	3	0	8
5 Rabbitohs	4	3	0	8
6 Roosters	4	3	0	8
7 W/Tigers	4	3	0	8
8 Bulldogs	3	4	0	6
9 Eels	3	4	0	6
10 Warriors	3	4	0	6
11 Cowboys	2	5	0	4
12 Knights	2	5	0	4
13 Broncos	2	5	0	4
14 Raiders	2	5	0	4
15 Sharks	2	5	0	4
16 Storm	5	2	0	0

Lewis inap kamap Blues kepten

BIKNEM ragbi lig pilaia bilong Australia, Peter Sterling i bilip Luke Lewis i ken kamap wanpela gutpela kepten bilong ol Blues long State Of Origin dispela yia.

Long ai bilong Sterling, Lewis i gat olgeta stail bilong pilai na gutpela tingting olsem wanpela strongpela pilaia.

Em i tok Lewis i soim long 7-pela raun bilong NRL pinis dispela yia olsem em i gat gutpela na strongpela pasin bilong pilai gut long olgeta posisen.

“Sapos mi selekta, Luke (Lewis) bai namba wan pilaia mi kisim long Blues skwat,” Sterling i tok.

“Tasol sapos ol i laik yusim Kurt Gidley orait gutpela posisen Luke i ken pilai long en bilong Blues em lok.”

Sterling i tok em i laikim pasin bilong Lewis we em i no save givap o les, em i save pilai strong na pait yet inap olgeta



STRONGPELA MAN: Sterling i bilip Lewis inap kamap gutpela pilaia na kepten bilong Blues.

pilai i pinis.

“Em i save traim hat yet na i gutpela long ron i go insait long difens na kamapim spes bilong ol arapela pilaia

long ron na putim trai,” Sterling i tok.

Tasol sapos ol i tingting long mekim em olsem kepten, Lewis bai resis wantaim Gidley husat tu i laik kamap kepten bilong Blues gen long dispela yia.

Bilip bilong Sterling long Lewis i strong bihain long em i lukim Lewis i helpim Panthers i winim Tigers 26-18 las wik.

Lewis i helpim long putim tupela traim na i kamap planti gutpela ron bilong Panthers we i lukim em yet na ol arapela pilaia tu i brukim difens bilong Tigers planti taim.

Sterling i bilong Lewis em wanpela kain pilaia we ol Blues i mas gat insait long skwat bilong ol long helpim ol long stopim ol Maroons husat ol i laik winim namba 5 taitol bilong ol insait long 5-pela yia.

Nogat NRL tim sapos nogat pilai graun

■ **Ikam long pes 40**

Tasol Sir Hubert Murray stadium i stap antap long graun bilong ol manmeri bilong Motu Koita.

Long dispela as PNG NRL Bid tim wantaim helpim bilong gavman na ol sponsa i laik toktok wantaim MKC long kamapim sampela kain wokbung long mekim dispela ples i kamap. Ikupu i tok ol i amamas long dis-

pela bikpela developmen i kamap tasol gavman na NRL Bid tim i noken kam na kisim graun o stadium nating.

Em i laik bai ol i mas wokbung wantaim long dispela projek bai ol Motu Koita manmeri tu i ken kisim sampela gutpela bekim long en.

“Mi i sapotim tingting bilong kamapim wanpela NRL klap bilong PNG yet tasol ol i mas helpim mipela tu bilong wanem

mipela i gat samting we inap long helpim dispela klap i go insait long NRL.


“Yu ken gat olgeta samting tasol sapos yu nogat stadium, NRL bai no inap kamap long hia,” Ikupu i tok.

Gutpela pilai graun em wanpela samting NRL bai lukluk long en taim PNG NRL Bid tim i putim askim bilong ol i go insait long 2013.



MAKIM EM: Andrew Lepani bilong Hekari United i putim was long long wampela pilaia bilong Gigira Laitopo long NSL gren fainol pilai bilong ol las wik Sarere long Mosbi. Hekari win 5-0. *POTO: Nicky Bernard.*

HOLIM EM: Wampela Magani pilaia i pas long strongpela banis bilong Hawks long Mosbi ragbi lig salens las wik Sande. *POTO: Nicky Bernard.*



SOIM HAN: Pilaia bilong Brina Bell i putim hgan long traim na pasim birua bilong em bilong Wespac long tromoi bal long Private Companies netbol salens long Mosbi las wik Sande. *POTO: Nicky Bernard.*

PAIT: Maxcy Mailon (Iephan) na Julius Andy i mekim save long anda 12 na 10 krisma di-visen bilong ol long boksing las wik Sande long Mosbi. Maxcy bin winim dispela pait. *POTO: Andrew Molen.*

SPOTS DRO

Port Moresby Rugby Football Union Wik 4. Sarere, Mei 1, 2010

Ovol 1	U20	Chiefs	vs.	University
9.00am	B	Chiefs	vs.	University
10.20am	B	LaSaliens	vs.	Defence
11.40am	A	LaSaliens	vs.	Defence
1.00pm	A	Chiefs	vs.	University
2.20pm	Primia	Chiefs	vs.	University
3.50pm				

Ovol 2	U20	Defence	vs.	LaSaliens
9.00am	U20	Hunters	vs.	Kone
10.20am	B	Hunters	vs.	Kone
11.40am	Meri	University	vs.	LaSaliens
12.50pm	A	Hunters	vs.	Kone
2.20pm	Primia	Defence	vs.	LaSaliens
3.50pm				

Sande Mei 2, 2010

Ovol 1	U20	Royals	vs.	Harlequins
9.00am	U20	Wanderers	vs.	Brothers
10.00am	B	Wanderers	vs.	Brothers
11.20pm	Meri	Defence	vs.	Sisters
12.40pm	A	Wanderers	vs.	Brothers
1.50pm	Primia	Wanderers	vs.	Brothers
3.20pm				

Bai: Wanderers (meri).

Ovol 2	B	Royals	vs.	Harlequins
10.20pm	Meri	Royals	vs.	Harlequins
11.40pm	A	Royals	vs.	Harlequins
12.50pm	Primia	Royals	vs.	Harlequins
2.20pm	Primia	Kone	vs.	Hunters
3.50pm				

TOKSAVE: Salim ol spots dro bilong yu kam long Feks; 325 2579, e-mel; amolen@wantok.com.pg o kam lusim long Wantok Niuspepa opis long Central Waigani, NCD.

SPOT RAUN
WANTAIM
Scott Vavine, ML



PNG Gems em wanpela rot bilong go long 2015 Pasifik gems

AS bilong PNG Spots Komisin (nau PNG Spots Faundesen) long kamapim PNG Gems long 2003 em long givim moa luksave long ol grasruts spots manmeri.

Nau i gat klostu olsem 5-pela moa yia i stap bipo Pasifik gems bai kam bek hia long PNG na i nogat planti taim moa i stap long redi.

Ol wok bilong mekim ol haus na pilai graun bai kamap tasol ol wok bilong luksave long ol gutpela spotsmanmeri na trenim na redim ol tu i mas kamap.

Olgeta hap bilong komyuniti mas bung wantaim long lukim olsem ol gutpela spotsmanmeri bilong ol i kisim luksave na gutpela wok developmen long trening bilong ol.

PNG Sports Foundation (PNGSF) wantaim PNG Sports Federation na Olympic Committee (PNGSFOC) wantaim ol sponsa na arapela wanwok bilong ol i mas wok-bung nau long lukim dispela i kamap.

Wanpela gutpela hap we ol i ken painim ol dispela spotsmanmeri em long PNG gems we ol pilaia i save kam long 20 provins bilong kantri.

Ol provins i mekim bikpela wok pinis long painim dispela ol etlit na kisim ol i kam pilai, nau em i wok bilong ol nesanel spots ogenaísesen olsem PNGSFOC na PNGSF long luksave na kisim dispela ol etlit husat i kamap ples long dispela ol gem.

Wanpela asua mi save lukim em, ol dispela nesanel spots ogenaísesen i save lukluk tumas long ol nesanel na klap sempion bilong ol na ino save lukluk long ol grasruts tu.

I nogat samting krangki long ol i mekim dispela tasol ol i ken painim planti moa long ol gutpela spotsmanmeri tu sapos ol i lukluk tu long ol arapela ples.

Long Novemba bai namba 4 PNG gems i kamap long Mosbi na em i sans bilong olgeta spots ogenaísesen long putim ai long ol gutpela pilaia.

Tingim, ol i mas mekim dispela wok nau na ino biahin.

Sanap bilong PNG insait long Osenia rijen i go daun tru na ol kisim i kam bek antap i mas lukim planti risos tru i go insait long mekim kamap.

Mi laik askim olgeta nesanel federesen bilong wanwan spot long stretim ol hevi bilong ol na wokbung wantaim long mekim dispela i kamap.

Helpim long apim level bilong PNG go antap gen.

Em i wok bilong yu long painim ol risos na samting bilong mekim dispela i kamap.

Bikpela luksave bilong kantri bai stap long wanem wok yu mekim long painim na redim gut ol etlit bilong yu nau.

Yu mas soim gavman na ol bisnis na sponsa olsem yu min tru long mekim wanpela gutpela samting long dispela 2015 Pasifik gems we bai kam long hia.

Stet ov Orijin bilong PNG

James Kila i raitim

WANPELA nupela ragbi lig salens bai kamap dispela yia.

Dispela salens bai lukim tupela sait, Is (East) na Wes (West) i pilai long kamapim wanpela tim long pilai agensim wanpela tim bilong Kwinslen (Queensland).

Ol pilaia bilong East na West bai kam long bemobile Cup tim bilong PNG National Rugby League (PNGNRL).

"Ol pilaia husat i save pilai long ol tim i kam long Wes sait bilong PNG bai makim 'West' na ol pilaia i save pilai wantaim ol tim i kam long Is sait bai pilai bilong 'East,'" bod siaman bilong bemobile, Anthony Smare i tok.

Dispela bai lukim ol tim bilong nambis olsem Gurias, Bombers, Vipers na Rangers, bai mekim East sait na planti ol Hailens tim bai stap long West.

Ol Wes sait bai lukluk long ol tim bilong Hailans rijen olsem Mioks, Warriors, Muruks, Lahanis na Eagles.

Smare na siaman bilong PNGNRL, Don Fox i tokaut long dispela long long-sing bilong bemobile Cup resis bilong 2010 las wik Fonde long Mosbi.

Tupela i tok tu olsem bemobile Cup resis long dispela yia bai gutpela na strong tru taim em i stat long Mei 9.

Smare i tok dispela tupela tim bai salensim ol yet long Julai 4 tasol ol ino tok yet long wanem pilai graun ol bai bung.

Fox i tok ragbi lig long kantri wok



NUPELA GEM: Smare tokaut long nupela pilai insait long bemobile Cup we bai olsem Sate Of Origin bilong Australia. POTO: Nicky Bernard.

long kamap long nupela eria na kain salens i gutpela long strongim ol pilaia long redi long ol bikpela pilai olsem 4 Nations we PNG bai stap insait long en dispela yia agensim Australia, Nu

Silan na Inglen.

Em i amamas tu long lukim Warriors i kam bek insait long resis dispela yia.

Fox na Smare i tok amamas long ol sponsa bilong ol tim long dispela yia.



Lukim ples

NESENEL sofbol sempion sip i bin kamap long Kokopo tripela wik i go pinis we Mosbi winim taitol bilong ol meri na man wantaim.

Tasol taim pilai pinis, ol pilaia na opisal bilong Mosbi no westim taim long raun na lukim ples.

Wanpela hap ol i go long en em long as bilong maunten paia.

Planti husat ino go long Is Nu Briten bipo i bin gat sans long lukim maunten paia we i sanap olsem wanpela piksa bilong dispela provins na ples wantaim.

Hekari mas win o dro

■ Ikam long pes 40

Hekari bai kisim wanpela gutpela pilaia bilong ol, Joachim Waroi kam bek insait long tim bilong dispela gem.

Waroi no bin pilai long namba gem long Mosbi bilong wanem em i bin gat bagarap.

Em i orait nau na strongpela pilai bilong em bai givim moa strong long ol fowet bilong Hekari taim ol i stap insait long hap bilong ol Waitakere.

Dispela namba tu pilai bai kamap long asples bilong

Watakere long Fred Taylor Park long Nu Silan.

Misis Kapi Natto i tok em bai no inap isi long winim Waitakere long hap tasol ol bai kamapim strongpela salens tru.

"Tim spirit i strong, olgeta mangi stap gut na i no sik o bagarap na mipela i redi tasol long pilai," em i tok.

Hekari lusim Mosbi long Mande dispela wik na i go long Nu Silan long redi long dispela pilai we bai kamap dispela Sande.

Win bilong ol long NSL fainol las wik Sande tu i lukim ol bai stap insait long O' Lig resis dispela sisen gen.



S P O T S



Isu 1863

Wan wik: Fonde, Epril 29 - Me 5, 2010.

**bemobile cup 2010 ...best yet!
...kicks off May 2nd**



bemobile cup



bemobile toktok moa

Wanpela moa gem

Andrew Molen i raitim

HEKAI United i gat wanpela moa gem insait long O'lig (O'league) fainol long lukim sapos ol bai winim ples insait long wol klap salens long Dubai.

Wanpela moa win o dro bai givim ol O'lig taitol na US\$5 milien long go pilai long dispela tonamen.

Tasol sapos Waitakere i strong na putim 4-pela gol o moa agensim Hekari em bai ol i kamap sempion gen.

Tim menesa bilong Hekari, Vonnie Kapi Natto ino ting ol bai napo kam longwe olsem nau tasol em i amamas long ron bilong ol.

Em i tok ol i save olsem wanpela win gen o dro bai givim ol sans long go long Dubai olsem na ol pilai bi-long ol bai strongim gem bilong ol moa.

Bipo long namba wan fainol gem bilong ol long Mosbi, kosa, Jerry Allen i tok wanpela samting ol bai strongim long dispela fainol em difens bilong ol long baksait.

Nau ol i winim wanpela gem pinis olsem na dispela astingting bilong strongim difens bai wanpela bikpela samting long gem bi-long ol nau.

■ Moa long pes 39



Nogat NRL tim sapos nogat pilai graun

Andrew Molen i raitim

SIAMAN bilong Motu Koita Kaunsil (MKC), Miria Ikupu, i laik bai PNG NRL Bid tim wantaim gavman na ol arapela spona na stekholda i wok-wung wantaim ol.

"Helpim mipela long kisim wanem samting yupela i laikim long en na yupela bai gat gutpela ples bilong mekim NRL stedium bilong yupela," Ikupu i tok.

Toktok bilong Ikupu i bihainim tingting bilong PNG NRL Bid tim long yusim Sir Hubert Murray stedium long Konedobu insait long Nesenel Kapitel Distrik (NCD) olsem asples bilong dispela PNG NRL klap ol i laik putim long NRL resis long Australia.

■ Moa long pes 37

State Of Origin bilong PNG - Pes 39

NISSAN URVAN

Feveret PMV Bilong PNG

DRIVIM IGO K69,900



- **3.0 Lita Diesel Engin**
- **5 Spid Manuel Transmisen**
- **Mor Pasindia Hetrum**
- **Redieta stap wan mita bihain long frant bampa**

NISSAN SHIFT the way you move

Piksa bilong edvetismen tasol.

BOROKO MOTORS

PORT MORESBY
LAE
MT HAGEN
TABURIL
PH: 325 5255
PH: 472 1144
PH: 542 1933
PH: 649 9048
KIMBE
MADANG
RABAU
PH: 983 5035
PH: 422 2659
PH: 982 8193

